


升菴遺集

和16  
170  
42



門和16  
詩 170  
卷 42

太史升菴遺集卷之四

成都楊慎著

孫金吾宗吾輯

濟南王象乾校

丹陽湯日昭閱

七言古詩

畫馬圖

君不見軒轅黃帝乘翠黃倏忽仙去鼎湖傍又不見  
瑤池八駿周穆王驚沙噴玉歌屢章雲螭月駟空形  
影青箱丹笈傳芬芳好事者誰寫高足史家道碩荀  
家勗將軍曾霸唐名流早年筆法師兩侯胷中元自  
有千里超超直欲度華騮祇今惟知韓幹畫兒童亦

解愛唐馬繡素往往混贗真屏障紛紛競模寫方歎  
乃稱善相人葉公豈是真好者神駿只可支道憐牽  
纏不受胡奴鞭舞羞興慶登床後鳴斥開元立仗前  
追風躡電龍爲友沙北日南徧奔走天邊鴻鴈伴哀  
嗷地下麒麟在郊藪迷道休詢襄野童盈虛試問塞  
垣翁不見古昔茂陵上劉郎石馬嘶秌風

雪山歌

君不見雪山玉立天西頭使君新起迎仙樓粉霞堊  
翠天尺五恍如方壺與瀛洲又不見樓中仙人雪山  
子質抱瓊黃服金紫夕服沆瀣吞淪陰朝茹靈芝和

石髓楚國湘纍蜀謫仙光焰日月懸千年沉酣大雅  
憐緜素枕籍維騷拾蕙荃因思謝眺吟紅藥玉湖亦  
動蘭池作瀾翻華底湧波濤磊落胸中著丘壑瑟瑟  
秋氣迎初商碧霄如拭鮮颯涼塞垣鴻鴈來千里河  
漢文章仰七襄天籟爲歌露爲酒弄玉傳盃飛瓊走  
還賡白雪郢中篇遙指群仙爲君壽

送客還西江

武昌楊柳荊州麥楚江春色催行色萬里遙憐左蠡  
人十年同作南滇客烏凹門前紫荇莊歸來養拙更  
何鄉鬱金美酒盈千斛藥玉新蕤醉幾場

連然新井贈塩司張松巖

連然新井自漢代孟堅地志分明載昆池鄩闡恣斟  
輒笮馬髦牛兼負載松巖張君為塩官一飲不飲塩  
井泉縞瓶勿幕契易象鳩夷掛車嗔太玄脯苔齧葡  
為朝夕漆髮方童映金碧井絡儲精下水衡新井忽  
穿盈百尺竈丁伐木何丁丁聲聲牢盆歌頌聲君不  
見濁河九曲帶神京寧知安寧之井徹底清

南安守行

楚雄郡在滇雲間屬州斗大名南安韋裳椎髻滿夷  
箒刺桐毛竹紛交攢狼子野心獷難制寇巢盜窟相  
糾蟠分符長吏噢且咻相戒咸欲服以寬蟻聚蜂屯  
盈千萬積漸多於鄭宅莞新守者誰苟其姓下車亟  
欲鋤神奸誓戮鯨鯢一鼓盡芒蝟草恙無遺管蛟翼  
負山碎未殫積衛填海力已殫蠱亦有毒吁可恠虎  
豈易搏驚傍觀官中了事是痴絕何如袖手同堂餐  
紅雲一朵天北極白日不照天之南

蒼洱圖贈葛志貞

洱河流向流形如半月抱海洲神禹導水漢拓  
地九州之外益一州點蒼山在孤雲頭瑤臺佚女登  
高丘四時莽蒼霾白雪冰崖鳥道可盤折翠微空濛

霄幙懸玉泉灑落天紳揭自昔天地閉劃然方隅裂  
聖代掃氛埃萬里通航轍西環南濛貢明堂洱水蒼  
山歸職方軍戍荒亭星列張夷歌槃木夜成章葛君  
風裁古良守紫亭分符望南斗耀日蟠龍文彩先出  
池神馬聲名後桂嶺風烟開早春榆城車騎重逡巡  
朱轡天上留遺愛蒼洱圖中舊主人迷方我亦多嘗  
住坐嘯行吟幾朝暮圖中何處取關情玉局雲峰石  
泉樹點蒼峩峩西洱長相別相逢俱異鄉山高水遠  
望不見君旆悠悠君馬黃

臨安春社行

臨安二月天氣暄滿城靚粧春服妍花簇旗亭錦園  
巷佛遊人嬉車駢闐少年社火然燈寺埒材角妙紛  
紛至公孫舞劍駭張筵宜僚弄丸驚楚市楊柳藏鴉  
白門晚梅梁栖燕紅樓遠青山白日感羈遊翠掌清  
尊詎消遣宛洛風光似夢中故園兄弟復西東醉歌  
酩酊月中去請君莫唱思悲翁

壯遊篇贈劉叔肖還汴

敬花樓前花霧輕濯錦江邊錦水平金堤玉津乘月  
發驥子魚文衝曉行駟馬橋臨關市踞碧鷄坊對昇  
仙鋪楊白花滿葭萌城冬青樹暎桔栢渡之子多才

更早騫趨庭千里自梁園青藜燈火栖烏府縹筆荃  
蹄避馬軒君不見竒遊太史漢司馬平生足跡半天  
下鴻門烏江吊劉項汨羅清湘懷屈賈悲歌感慨凡  
幾年風流文采至今傳酒酣耳熱忘頭白爲子一賦  
壯遊篇

光明寺丁香樹歌

雙林一夜撼秋頻肯放丁香作好春紅纈青羅秦弄  
玉錦帷瓊珮衛夫人道人掃地明如鏡猶種天花滿  
行徑香山不帶美人來正恐摩伽亂禪性

遊罷谷山始發即事

罷谷山在寧河頭洱河之水此源流荒經海圖有徑  
證欲拾葩碧尋靈湫李公龍眠約未果董生邵南幸  
同遊是日雨晴辰角曙天光淨綠遙嵐浮石路無塵  
水聲裡恍如天樂鳴琳球無名秋花綴錦谷亂下木  
葉隨苔漚絕勝樊籠在塵市登臨暇日鎖煩憂風馭  
雖非列禦寇尻輪寧待莊子休殷勤爲我謝逋客

道許同遊行  
臨歧逃逸矣

春蘿罷月飛群鷗

虬顛州端歌送王良臣北上

虬顛州端如頰玉醉筵幾覆杯中綠  
謁來辭我上神都四座狂歌悄終曲  
前年迎君東橋頭今年送君遙

岑樓流霜逝水朝還暮官樹陌塵春復煠關索嶺上  
試回首憶君後夜君知否

汝社行送水部章後齋上京

君有長風興乘春向日邊庾公樓上月已照李膺船  
李膺船繫江陽樹蔥鶩彩鷁何由駐不得相隨賦遠  
遊與君齊榜江陵路愛君卓犖出群才早年獻賦黃  
金臺四傑篇章紛綺繪八元名姓燦昭回慎也哀遲  
晚傾蓋汝社相依襟帶激楚流風汗漫遊裁詩刻  
燭逍遙會海內知音無幾多良辰彥夕數經過歡娛  
未盡忽化別柰此楊朱岐路何垂楊裊裊江花驪鄭  
重結裝傷委瓊懸知此後北夢頻日暮碧雲斜漢左  
好騁亨衢策上勲功名在子寧殊我擘長牋賦短篇  
放懷爛醉東風前誰言絲竹能陶寫佇立銷魂自黯  
然

灣甸茶歌送劉通判之景東

柘東丹極春滿邊灣甸有茶名字傳惜不逢炎皇與  
岐伯復不遇鴻漸偕玉川英華阻貢日月篚芳菲只  
結煙霞綠灣甸山蟠赤虺路溟陰迤西蒼莽互羊韋  
羗兒背負籠籠若重重香滿風子去官柘東蕭洒亦  
仙吏清泉湛浮塵白日少公事烏巾白袷對青山品

水尋烟衙院閑松濤遙起瘴厲外茶星宛在象緯間  
劉侯劉侯雅好事別後遠能致莫徒寄我相思字

題梁霄正蒼山奇石屏

蒼山崖峩十九峯暮靄朝嵐如白虹南中詩人有奇  
句天將玉帶封山公賦形比物一何似昔聞今見將  
無同何年巧匠斲山骨縮入君家石屏中恍疑黃鶴  
樓前晴川芳草景歷歷又若滕王閣上長天秋水烟  
濛濛海岳研山何足貴坡仙雪浪難爭雄我言非誇  
君不見前年曾獻明光宮

雲寮篇送釋真著歸霧中山

詩裏無僧句不清雲僧况是有詩名僧廬元在霧中  
住雲收霧散歸山去山房請我題雲寮碧雲詩和白  
雲謠雲邪霧邪遠莫辨禪誦山中昏復朝

高曉海莊見月蝕即事

月蝕中元海波暝高曉甯策聲相競繞巷焚香拜且  
呼銅鈺敲作青鸞鏡白首空餘蟣蝨臣王川舊詠轉  
悲辛清光咫尺須臾復依舊妖墓住結璘

改訂稿前四句同後云上方此夕鑄刀鐔爲備  
神姦不許侵如何咫尺清光復依舊妖墓伴太  
陰○唐牛設琵琶行好似長安月蝕時滿城敲



動青鸞鏡擊鏡救月蓋唐俗也高峽村民無鏡  
以鉦代之亦古俗乎

贈劉東圃太守

錦里仙人金陵客井絡岷精餘氣色三山二水卜新  
亭五渚九橋懷故國碧雞金馬向南滇皂蓋朱轡照  
遠天鈴閣朝聆鴻蒼頌藜燈夕注豹韜篇楊林城中  
一邂逅疑和橋邊復分手惜別能忘蜀國弦相思且  
醉秦淮酒

送毛東鎮

給諫用成之子

憐君忠節之子孫公車待詔重高門江湖魏闕子牟  
遠墓田丙舍鍾繇存伏蒲內殿有膝跡請劍上方猶  
血痕鳳雛驥子定須繼懲羨吹藿非尔論

樓溪圖引為崔憲副公兆賦

少華山上天神泉匡廬峯前瀑布懸名公此圖無乃  
似展卷為賦樓溪篇樓溪溪水水三疊嶂流承響聲  
不絕畫橋波卧鞞晴虹銀屋浪翻飛暑雪新月澄潭  
綴曲瓊雜蒞羃洲疑碎纈樓溪主人清且竒亭伯才  
名子玉辭誅茅結宇幽栖處升龍尺木鳴鳳枝君莫  
學唐朝玄真子綠莎青箬烟波裡又莫學楚澤清烈  
公芰製荷裳吟澤中紫廬青閨近天河德水恩波太

液多元元願普天瓢閨湛湛還賡晞露歌

遊丹壺洞天

枕榔籠青嵐霧黃炎林昨暝試新霜稅鑿雲丘騁望  
遠騰吹寒山歸思長釣魚美人與何極呼鷹烈士情  
未忘世慮紛紛者誰靜當歌乍可訴華觴

癸卯赤水除夕

歲除歲歲長途裡今歲歲除經赤水玄兔寒隨北陸  
回深天涯比屋皆封雪車冰柱繞城陰玉筍瓊枝照  
座深天涯比屋皆封徧轉見年年舜日心

梅池歌爲茂州嚴太守賦

屈原詞賦二十五何事梅花無一語風騷比興失東  
周江山文藻空南楚梅池千載意何長子陵遙胄靈  
均鄉先春竒樹瓊花燦華月芳池碧瀲涼碧瀲瓊花  
照詩卷彩毫欲補湘纍傳拳秀休吟宿莽洲移根好  
植明光殿

正月四日迎春次後齋韻

明媚韶光正月四殘霞蹙水魚鱗細秋娘門巷綠楊  
天劉伶枕席梅花地從來南國多佳麗况有絲桐傳  
密意樽前且莫唱陽關相思別後勞鴻寄

紀旱

昆池水乾龍在圓雲屋萬家無潤礎皇天不肯降井  
霖法官昨日遭筆楚祈請兒童等聚沙褫衣奪扇競  
喧譁繞城筠竹髡將盡又向沿門索海肥

後海口行

憶昨戊年干在庚海波如鏡環滇城舳舻出沒魚苗  
發桔槔不動秧針生今年太歲屬壬子海乾赤地盈  
千里良田盡作龜背文雩祭仰天求滴水滴水不下  
米市空過街紅作珍珠紅八十遷叟向余說人自作  
藥非天窮前年䟽濬海口銀十萬委官歡喜海夫怨  
撒却金汁破銀河反向臺司訴乾旱臺司肯聽此輩  
言開塞應湏日千變君不見金陵河邊石作防松花  
水發春流長莫道胡元少英俊只今安得賽咸陽

江樓曲送祝鳴和

江上樓高枕錦江流雲霞連劍閣烟樹出刀州登樓  
送君秋色裡旌旗影落清波水眺望應隨斗牛遙嘯  
歌直感魚龍起江樓高江思遠闌干曲曲山宛宛雁  
湖寒牛渚晚石頭城如在眼玉人過家朝玉京離筵  
一餉惜離情別來定有相思賦好寄同聲慰友生

龍門鋪送懋昭即席短歌

昆橋亭龍門亭且盡沙頭雙玉瓶錦江水青衣水朝

升菴遺集卷之四  
日相思是千里千里相思烟水分兩鄉相望賦停雲  
山中歲莫瑤華歇擬折琅玕持贈君

鷄足山歌

君不見榆葉鷄足山一峯垂三趾翰音異羽宛相似  
章亥步窮未之記但傳釋迦當入滅金縷田衣付迦  
葉梵王衣鉢不輕傳千載下生待彌勒華首門高飛  
構懸遙睇正對點蒼山峯攢十九溪十八鷲頭鷲尾  
相彎環山頂常留四時雪上界清涼無六月太行百  
梯那可同楚臺三休慙迥絕金波寶燄攝身光義眉  
瓦屋非荒唐星劫電景不思議神經恠縹難推詳功  
德八池七花淨暝鳥靈猿學禪定護法開迷龍象筵  
窈窕崎嶇兔鹿徑我辭承明到南滇登臨足跡徧山  
川碧雞金馬王褒頌蒟醬筇枝司馬篇中谿仙史懸  
車早傍水分雲穿浩淼石堂磨崖丹不磷高阿長吟  
青未了邀余欲往竟遲留靈境唐捐今白頭吳菴張  
圖索余作烟翠逼人興如躍卧遊心動比風幡聊將  
虛寂鎮踞煩半辟天姥悠揚夢無影竹林規磨言

麗卿吟

甸苴荒館雨榻聽同舍郎話麗卿事戲賦此詩  
臨安名妹有麗卿風流年少多知名邯鄲才人學故

步延年小妹解新聲三五芳華共憐惜合鈿分釵總  
相得織羅豆蔻膩濃香膩粉芙蓉失嬌色雪句琴心  
是女工不徒窈窕誇鉛紅每憐修竹園中月肯逐潯  
陽江上風歲歲腰支還自恨旦旦心期向誰盡阿鵝  
元非巴婦請求望那有相如信一逐秦箏遠斷絃三  
年湘竹近愁煙青樓不返青絲騎白下誰停白玉鞭  
自古一牀無兩好蘭情冰盱終難保轉覺人間失意  
多更言天下知音少知音失意兩沈沈燭滅荒亭話  
夜深爲感詩人惱公曲新翻樂府麗卿吟

紫芝曲

紫芝曲代沐九華公子有所思也

楚王宮中多細腰桃花夫人鬼誰招巫陽雲雨旦還  
暮宋玉東鄰又寂寥總章清彈便娟子莫愁城下南  
威里倭墮犀梳月抱鬟玲瓏玉瑄星藏指鸞笙鳳拍  
吹參差不歌採菱歌紫芝紫芝一曲臨風弄九華仙  
郎選春夢金荆作枕紫荆床繡袂羅裙五里香河中  
之水回津渡天上行雲繞畫梁挂釵解佩留君賞分  
杯却扇情駘蕩絳仙秀色若可餐麻姑烏瓜堪搔痒  
星漢易翻歡不終藁砧溝水怨西東三更石闕悲難  
盡一幘丹青畫未工金鞍別踏王孫草翠袖離亭少

女風熒然軟綃漬紅淚斷腸欲寄無因寄蛛織愁縈  
寸寸絲鴈來空學行行字三千三百夢江程二十五  
弦湘浦聲玉樹後亭懊儂曲金波此夕爲誰明

寶井篇

好石光珠從古重窈窕繇華爭玩弄豈知兩片弱雲  
鬟戴却九夷重譯貢寶井曾聞道踞賒蛇風蜃雨極  
天涯馳傳千群隨票鷄披圖萬里逐輕車君不見永  
昌城南寶井踞七里亭前碗水鋪情知死別少生還  
妻子爺娘泣相訴川長不聞遙哭聲但見黃沙起金  
霧潞江八灣瘴氣多黃草壩隣猛虎坡編茅打野井  
芝寨崩磧浮沙曩轉河說有南牙山更惡髡頭漆齒  
號蠻莫光撓曼磴與孟連啞瘴湏臾無救藥莫勒江  
傍多地羊隊隊行行入帳房紅藤纏足詔髮女金葉  
填牙緬甸王回首滇雲已萬里寶井前瞻猶望洋紫  
刺硬紅千鎰價真贗入眼無高下得寶歸來似更生  
吊影驚魂夢猶怕吾聞崑崙之上玉抵鵲慶卿之池  
金擲龜安得仙人縮地法寶井移在長安街

東泉行送客臨川

商叟隱東園陶公耕東臯東泉亦何事辭家恣遊遨  
自言泉流東到海萬里風煙迥相待吳鬢越襪與滇

腰對舞前溪歌靄迺春風吹夢過臨川巢父牽牛飲  
我泉採芝還憶東園隱挂席歸種東臯田

羅山吟為程孟明賦

名旦

吾聞少陵詩中有名言五嶽之外別有他山尊白阜  
脉地形圖不可見章亥荒經恠牒空復存虛無紀方  
丈遠逝稱崑崙西霜在何許元天難討論言耳分明  
不如目莽蒼空翠思裹足十年放作崇山囚抱影纍  
然踏仍踣竭來羅山子為言黃羅之山美無比距歛  
西南三十里一峯卓錫拔天起人云此山乃是小山  
宮大阿周匝牢固相遮羅牢羅音相混方言呼久訛  
又云此山黃山近蠹如星宿羅天河復傳黃羅自昔  
篁為墩冒黃冀迹廣明戈黃羅諸名似黃馬犁然誰  
當山靈者羅山子字曰子明陵陽擬飄然自是神仙  
人迴如水壺隔飈塵小山叢桂幾多載流水桃花八  
百春奕葉照青編名場今宛然神僧指石眠牛域英  
雄拔劍刺蛟淵廚開銘鼎留遺篆庭列歌鐘識舊懸  
地孕良才不隱世清時未許其林泉小草出山為遠  
志松風蘿月韜鳴絃羅山子天馬凌空步袖中五嶽  
真形圖筆底千峯竟秀句明堂大厦湏雲梁莫逐陵  
陽向烟霧滄海橫流濟涉心忘情猿鶴寧知音聽我

歌羅山吟

石溪野逸歌為駱君孚少參賦

石溪清且淪皎鏡無冬春月枝明倒羽星留見潜鱗  
溪上佳人在容谷辛夷作捐葯為屋夜瓶脩綆汲瓊  
瑤朝障并刀剪羅縠石有蘊靈溪有蛟青珠黃環珍  
貢苞承趺坐真明堂礎應律行聞阿閣巢

太史升菴遺集卷之五

成都楊慎著 孫金吾宗吾輯

濟南王象乾校 丹陽湯日昭閱

七言古詩

水椿行簡董西羽 有序

八月四日之夕約明早為青碧溪之遊曠黃間  
見雲中有屈虹長三尺許或曰此滇諺所謂水  
椿也明日當雨至晨果雨遂阻山行戲效韓昌  
黎體一首

水椿昨夕明西項渾如阿滿五色棒霞標赤杵烏人



擊日射天弓雲將控黠玄雨脚晨忽零清碧溪頭水  
淹港樹杪珠斑呼鶉鳩沙汭錦虹光蛤蚌胡濟未向  
國風吟方言已驗滇謠講攀葛捫蘿信有緣折麻結  
桂徒爲懣文楸方昇隔山樵翦笠西疇喧隰耨將軍  
寶劍善龍淵公子銀鞍停駿龐道猷藥籠阻凌峯白  
傳詩筒澁投詬君誇露卵勝尻輪露卵木後誰借笨  
車兼泉紉一樽柰可對簷花共看圓文滴階玕

似山歌爲憲伯文公賦

吾蜀多名山西南邈難匠青城峩眉霾霰霜巫峽瞿  
塘憂天日克國中蟠北戒雄川觀岩居此如櫛萬卷

陳家青史樓九星譙氏絳象術冷鑑清泉波似金沙  
丹赤九形如橘古來賢哲悉鍾英不獨仙靈與真逸  
名公上世本文翁汲古遺經傳石室果亭奕世仰華  
腴丹淵書香繼芬苾南峽九井十三峯玄韻清暉互  
流溢瑤光玉彩鄰生昆朱弦錦越湘妃瑟只今持斧  
行南中功奏民庸捷師律泰階計日履平三漢謠行  
將歌畫一清夢還賦懷山吟覺來枕席烟霞失

洱水尋源歌

遙從烏吊尋罷谷方舟遂泛寧河綠海圖自信不我  
欺水經誰道無人續並碧真源恫不迷金龍象耳山

名辨東西撒貝躍珠青鞵鞞涵星浴日碧琉璃給諫

才情富名詠弘山楊從龍枉史文章饒練證中溪李

辨黑水流傳豈羨郎官湖縣尹門士品題况復詞華盛

吳德懋董西羽咸有篇詠

### 北槁行書感

北槁邊沙棠樹曾記將軍射角時時堯還憶臺評醉

歌處金文廿載經過尋舊遊百年華屋已山丘寄言

冉冉征途者奔走風塵何所求

### 蘆笙吟和葉道言黑張驛之作

鬼方夷樂有蘆笙施竹兩物所合成六管交攢通六

律七竅迴環象七星吹之聲作咿嗶嚶珊瑚春鳥林

間鳴參差汜艷何多態掩抑摧藏似有情借問此聲

在何許馬郎踏歌苗女舞蠻謠盡道士風妍客心諳

盡天涯苦僻間忽見美人詞秉燭移床細誦之遙憶

胡笳雲外咽更憐羌笛月中吹君不見黃鐘元諧賈

人鐸禁鞞亦參周雅樂為君重賡蘆笙吟吟倚山亭

望寥廓葉詩有胡笳之句時方有胡虜之弊

### 龍山引贈沈少叅名繼美

君不見巫雪岷峩蜀四山撐拄西南天地間龍山嶺

岑鬱相望青霄丹氣盤巴閬閬中封壤古華胥龍圖

羲畫孕靈書鍾賢產秀何磊落喬喬人龍侍阿閣上方請劍誅國仇赫赫龍光射斗牛竭來分陝臨滇服見龍之曜日月燭南溟雷電合天章卿雲瑞靄共輝煌涸澤焦原待霖雨龍乎龍乎無安渚

雲阿行爲譙憲副賦

南岷九頂十三峯知在困雲第幾重雲阿夢遊昔擬天姥賦雲阿主人今向滇陽逢主人漢代儒先胄前照青編後丹籀文章有態歛竒峯勛業無心聊出岫曾詠盤阿栖曲京山雲爲袞霞作纓丘壑自是避世事雲林何與仙官名青桂休歌招隱曲金枝合奏

天行昂霄縹渺雲之杪阿閣曈曨閭闔曉紫鸞迴翥齊烟微黃鵠高飛泰山小帝歌屬和咎庭堅人瑞羞稱鄭仁表倏忽雲會天一涯清塵濁水愴分歧行看君馬籊雲去長吟日暮停雲詩

塢南引爲張生榿賦月塢子也

青鳥遠食玉山禾醴泉有源芝有科杜陵嗣音更宗武眉山傳衣稱小坡月塢詩豪自天挺海內名流誰與等豹子文章已見斑虎兒筆力能扛鼎精廬結構塢之南鞠矐究晰窮所探花牋筠簡縈春蚓牙籤錦軸菟香蟬君不見書帶庭前草作匱泥中戲語良非

戲何況膏馥沾後人烏捷觸墻成八字

月溪曲為晉寧張太守賦

青天行月溪行水水月相去八萬里龍宮罔象巧能  
移月行翻向清溪底月溪主人家在涪江濱襟懷洒  
落意清真金波影裡流金篆玉練光中卧玉輪月溪  
予君不聞一月普現一切水一切水月一月攝洞鑿  
虛明有如此又不見東坡赤壁水月賦太白青天問  
月歌二仙僊去去不返廣寒宮闕高嵯峩今夕復何  
夕逢君螳螂河舉頭見明月正照金叵羅持斧邀吳  
剛開蓬納嫦娥殺却蝦蟆綠烟滅斫却桂澗清光多  
共言銀燭未須秉不飲如此良夜何仙舟歸來仍我  
過解紅軟舞柘枝僮主人踉蹌客迹席起看江月墜  
江波君家侍立小童清似玉劈牋泥我醉寫月溪曲

蜀岡吟為盛德章賦

蜀都余鄉井蜀岡子林泉子發懷山詠余誦卜居篇  
蜀國蜀岡幾千里岷江江都同一水冽井分甘下玉  
輪靈峯飛峭來青巒坐樹疑聞望帝鶻垂竿欲釣姜  
詩鯉君不見名山孔穴元相通淄澠交流迥不同道  
遙自協高人性融結誰知造化功愛子神情遊八極  
到處名山盡相識翦茅還寄草堂幽揮毫欲動澄江

色吟君詩卷軫歸心憔悴鍾儀咽楚吟何時半夜清  
溪棹未聽丘中白雪吟

### 九絲城行

九絲城畔都蠻閩劉顯擒賊姚梧縱千戶紐綬喪其  
元六郡疲民哭之慟遠礙近哨煙塵昏江陽戒嚴長  
寧奔咫尺成都消息且擁蔽何況虎豹九關金馬門

礙亦哨也其方言如此

### 周封君雙壽圖

葉珠宮裡神仙客滿袖春風來紫陌彩服斑衣雙慶  
筵金罍玉液千花席天上亨衢照紫泥阿翁堂東母  
坐西共言聖世恩榮重更喜名家福壽齊君不見靈  
椿樹漆園寓言本無據又不見蟠桃枝方朔採實誰  
見之何如南陔蘭與玉衣繡畫行春酒綠暮暮朝朝  
愛日堂年年歲歲長生曲

### 峽川行為劉都諫賦

名大直

吾聞岷阜之山江水出其腹河圖地象括玄文帝以  
會昌神建福導江別沱域梁州錫圭古帝遺仙輦濫  
觴方舟究委源孔子轍環如到蜀西南天府開金維  
東北神州傾玉櫝四子文章冠漢朝五丁道踞通秦  
服炳靈摛藻揆玉庭挺生秀發呈天祿劉子才名吾

所欽掖垣風裁人爭目及雷魯聞諫草傳頌言再見  
清風穆江漢增華望公等崇山抱釁斬予黷從事十  
部幾蒙先比隣一塵敢期十憶子還緘北去鴻顧予  
肯和南冠曲

邵甸河牐歌

有序

邵甸去嵩明州六十里而途有泉源二皆發梁  
王山之西北一自牧羊村歷核桃村至高倉入  
河一自崛澤屯入河二水交流至迴犁灣松花  
壩甃石遏流入盤龍江帶滇城匯昆池漉流浸  
腴田殆萬頃歲久沙壅泥塞輸稅之忙走控于  
大中丞撫臺杏里王公爰命都指揮趙明臣知  
州羅袞濬河疏閘建石牐三所公時躬至其地  
以速成之財不費而工成民不勞而事集袞余  
門生也以狀求書其事詠之歌而鐫之石作邵

甸河牐歌

君不見昆明池源發自邵甸山分沙漏石幾百灣襟  
帶紆環繞滇郭晦金粒玉昀昀間勝國賽咸陽昭代  
忠敬王軍務暇日町原防靈陶缺篆永不忘歲久石  
泐蒼苔傍莘莘莽莽愁茫茫銀稜龜拆金汁澁畚牐  
三農費筋力王公簡在下南中海口修濬有餘功邵

甸上源仍留意朝步躬臨勤乃事涇泥五斗盛膏腴  
河潤九里同澤利王輪濫觴鈇離堆鴻隙陂中飲羊  
魁古今誰云不相及人謀意匠高崔嵬松花壩迥英  
蕤發荷葉溝長齒莖開水流無盡惠無盡豐年樂土  
歌康哉

### 禹山歌

吾聞禹同山遙在西極天宜通北景朝雲國開自赤  
明龍漢年神農分野日月表夸蛾爭界洪荒前倏忽  
耀儀碧鷄影髣髴回帶青蛉川禹導載黑水周方記  
濮鉛青陽江水豈無高辛聖昭靈栖景亦有木羽仙  
張子生長禹山野蒼髯開口愛風雅翩翩欲度正始  
前栖栖不肯開元下皇考折楊笑嗑然悠悠獨喜知  
音寡平生眼中人誰為愛才者申臺何大復梁園李  
空同結交折行輩聲價騰烟虹鄭莊賓客盛郭泰人  
倫雄往來北燕與南楚裘馬清狂儒俠風可惜青雲  
士中年不得意白龍遊青冷文鵠困毛鷲賤子早歲  
早披雲經過曛夕接霞昕鳴鐘考鼓共發響煮鬯燒  
薰爭楊芬君我賈餘勇我君張吾軍周周蛩蛩長相  
群形影却恨滇岷分豈知相逢禹山畔十年踪跡驚  
聚散側身天地且長吟老眼空明猶寸翰左界流天

銀漢回東山滿地風泉渙休作淮南落木悲且停鄴  
下飛蓬嘆今晨復何晨南極星回阿素鱗行玉盤盪  
耐躍碧波舞鼓金鳳環銀鷺丹青紫條翠靈柯琴心  
三壘長生歌君不醉如禹山何山阿噤噤三鳳雛不  
數秦家九子烏世間萬事復何有開襟把臂飲我酒  
禹山高高為君壽

張禹山云壯處似杜放處似李整處似王精處  
似沈兼四子之長收一代之望每一讀一驚散  
膽鬼也安得起四子於今時一讀之邪四子不  
歛襟歎服吾未之信也

天穿節引

上古天傾在西北媧皇鍊石石五色蒼旻高高八柱  
擎萬古乾坤正無忒青陽孟月月下弦相傳此日名  
天穿瑞麥含金粉欺雪櫻桃餽饒碧油煎盱江老人  
亦好恠有詩不入江西派魚鱗貽餅補天穿融海成  
酥山入芥章碣詩名動藝林要將舊事為新吟清倡  
金春和王應妙出月脇穿天心天庭袞職君須補石  
經重篆仲仙甫

石經山作仙

火福謠

有序

江陽舊俗歲除剗豕祀先餘為皐羨召親友謂



之火福不解其義戲為一詩以記風土節物云  
江陽封豕賽年豐私縱彷彿希邠風螺蛳泉冽蒲桃  
綠椀杜鑪香靺鞨紅骨董蝟羨欺錦帶頌椒節近交  
傳菜誰誇暖玉醉銷金柳車自遣奴星酌

馮定水母王氏壽詩

早梅初開小春芳愛日庭前萱草長阿母宜男且宜  
老八十三回金狄傍馮夷瑤草元壽域晚歲玄功注  
仙籙青裙白髮任年年洞酌春風入杯綠

送龔龍坡千兵還滇

龔侯辭我歸南服東閣梅花留信宿寒榻同聽滴雨  
堦夜基頻覆殘星局青州從事酒三行上官佳人歌  
一曲冰霜消盡踏春陽莫言凍縮金鳥足

魯少岷談麻姑山之勝遂續其句

山中流泉如脫兔石梁跨之客穩渡二句甚奇乃少岷改颺濱句也  
麻源三谷喜君來松門五粒閑余步仙醞神泉沆瀣  
分蟻浮麝越更蘭薰風流太守今靈運金薤琳琅幾  
勒文

秋日出郊邀劉建之同賦

海聲遼亮秋陰濃賓階雨榻青苔封欲尋幽人向空  
谷出門借馬如借龍西郊菊花已佳色南江楓葉將

醅容乘興且對公榮酒醉來萬事復何有

後入奏行送王美中御史還京

昔我在京華送君來乘巴江槎今我歸鄉國送君復  
踏燕臺陌燕臺巴國岐踞分猶欣南北再逢君海曲  
浮雲初接羽天涯明月復離群相思共念離群久相  
逢且酌離亭酒青驄赤豸躔徘徊紫極彤霄一回首  
回首朔風天際來傳聞仙駕駐輪臺江湖戀闕闕云  
阻葵藿傾陽陽豈回漢家柱史朱雲才當闕折檻心  
膽開障海滄波真溟渤回天白日收風雷嗟余遷踈  
守章句只堪寂寞栖蒿萊蒿萊落落煙霞晚三峩蒼  
蒼五津遠岑倫采藥向丹丘王陽叱馭過青坡天寒  
青坡曉霜清望望霜臺處處情山中何以贈相別為  
子重歌入奏行

東坡先生守湖州遊道場山命官奴秉燭寫  
風雨竹一枝於壁題詩其上至正間吳仲珪  
有臨本少峽丈藏之命慎作長歌

東坡老守湖山暇南國清遊繼顏謝舟楫行供茗雪  
吟咽雲坐入瀟湘畫越人翠被雨波寒官奴錦麗歌  
聲茂揮毫寫出風中態掀舞猶疑掌上看琅玕落紙  
珠生唾畫絕名繡詩寡和未論品價重三都先有風

流傾四座仙翁一去幾春秋江光清徹魚龍收珮環  
夜冷黃州夢蕭韶天遠蒼梧愁梅逕何人深暮蘭欲  
從手軸傳心印文藻葳蕤質逼真筆端飛動唐臨晉  
玉雪曾郎瘦竹姿青門別我滄州期滄州吏隱丹霞  
想想見珊瑚拂水枝

少峽將之建昌出此要予賦數日塵勞未能即  
應偶雨霽開小軒對茂樹乘興書之獨笑長盞  
促迫異昔人秉燭之景象耳鄂州展玩當為  
槃也

### 海口行

君不見雲南有水稱昆明萬山之巔一泓傾天池演  
漾三百里浸灌億畝環五城乍見深廣乍淺狹恍惚  
誰測馮夷情澤口腴表併水陸湖眉雄潤兼漁耕珠  
貝左思蜀都賦旌旗武帝西南征禹功䟽鑿諒不到  
地亦自平天自成建議掘相者誰子人力可與神龍  
爭板鋪纜動舟已覆海丁百十冤號聲利未鎔銖害  
已大民命詎比魚鰲輕吾聞湖邊有田之家十餘姓  
紛紛閩議於臺評利在數家害百萬無乃時詘而舉  
羸六塔之河浮山堰前車往跡明且清行其無事順  
水性哲人知幾思巨精安得仁人罷此役億兆歌舞

如更生葑菲願采及途嗚寧無一獲懸蜚蟲

初岡行贈國史李伯會

一元

君不見蘭臺宋玉賦  
松樹暉暘映巫山  
湄草草交馳莽莽涉  
駟軒猩駕凌丹危  
何如記室左思詠  
千仞升高岡望遠  
塵衣振曠然遐想  
追許由英辭終古  
誇雄駿高人情性  
本愛山跡在市朝  
心自閒筆底烟雲  
生縹緲曾中丘壑  
同彎環有美初岡  
子蟠根本仙李九  
峻三巒在桑梓丹  
鳳臨城樂遊園黑  
龍飲謂昆明水壯  
志凌雲賦遠遊馭  
風騎氣西南陬梁  
園修竹何森爽淮  
南桂樹山之幽脫  
唱風流無乃是揮  
毫染翰媿應劉孔  
明古栢吊遺廟少  
陵浣花采芳洲分  
曹聯事有仙侶金  
春玉應饒倡酬競  
爽何曾弱一箇經  
過出入懷三休君  
不學青蓮居士遊  
天姥吟藝明暗夢  
中語又不學少室  
山人住華峰迹名  
索價集雲松金門  
吏隱東方朔昂昂  
自是鷄群鶴巫嶽  
恰如瞻華岳詩人  
此語元非謔五津  
妙筆巧為形憑軒  
忽若無丹青酒酣  
操觚更秉燭狂歌  
落落君其聽

送譚汝賢之常德

子昔逍遙龍門之橋  
子乘五馬蜻蜒之野  
龍橋為別  
野見夢境分明  
速流電忽漫相逢  
復語離澧蘭沅

芷楚芳時後期相期未有期長風長寄長相思

圓照寺贈宋敬昆將軍時楊伯清李仁夫同集

葉榆城西折楊柳宋侯好事君知否楊子談玄跡未  
陳李白論文世希有夕陽半照鶴橋花春風一醉龍  
關酒

### 雙鹿應期篇

仙人有韓終乃在蓬萊山采藥騎白鹿遨遊下人間  
遊人間戲層城泰堦方平海水清金璫玉珮揚和聲  
揚和聲奏韶曲娑娑九列膺百祿膺百祿亦何心甘  
露為芻金羈音愈思豐草懷長林長林且勿懷各位  
方鼎來請看齊州內人窮應可哀願施岐黃劑熙熙  
同春臺功成拂衣騎鹿去相伴太容吟念哉太容見賦

### 二湖行送繆惟欽北上禮部

憶昔嘉靖乙酉歲子初登第我方謫訪我特作安寧  
行相留暫作茅亭客只期天邊當一鳴誰謂雲中滯  
六翮賈生猶藏治安書董子未獻天人策竭來相見  
通海頭相期共上望海樓把酒不話京華事擊節高  
歌慰旅愁君不見出亦丈夫事處亦丈夫事蜚沈何  
妨埋劍雄語默交為斷金利三湖流水清且灣君家  
兄弟號二難前鴻後雁聯行續赤日青雲舉手攀舉

手攀董賈雲霄雙羽翰看君披腹呈琅玕

自香松堡至金龍峭山水清竒馬上贈王夫

敘丘鴻夫

香松堡金龍峭山水刻出更清峭蛟拿龍攫樹相繆  
燕聞鶯閑花自照雲隈月渚兩風流並馬探春亦勝  
遊溫泉華頂遙相待莫遣東風咲白頭

送安膠峯憲使北上

滇海望吳江迢迢九千里六鷁北去塵雙鯉東流水  
朝看候鴈華頂前夕聽慈烏栢臺裡候鴈慈烏歲月  
新碧鷄赤虺按行頻文星卿月遙臨傲玉鑑冰壺洞

照人王孫芳草粘天碧遊子春暉動行色千官影靜

揖中台

萬歲聲長拜南極弭節過家秋正高瑤池

壽酒薦蟠桃慈顏應為平反喜從事寧辭去住勞里  
門燭耀新驄馬神仙官府堪圖寫謝家好夢池塘邊  
阮氏清遊竹林下藻賦西征拜慶年笙詩重補白華  
篇江淹彩筆愁才盡授簡空慙五色牋

村酒

高峴村裡孫家酒滇市螳川都未有祇應白玉買三  
杯未信青錢沽一斗碧鷄山下雨初晴積翠巖前月  
正明自對楚狂歌楚調不須秦女弄秦箏

簡西巒冒雨登碧鷄山羅漢寺寫金碧古文  
碑卓午陡晴喜而成詠

岩嶢石角穿雲路青鞵衝雨登山去佛日雙林放午  
晴覺花意葢香生步影碧精金漢代辭祇園荒草翳  
豐碑煩君重拓芝英繇留刻南崖萬古垂

屋棟行諭寧兒

尔不聞蕭思話年八九許高騎屋棟打腰鼓頌劣戲  
劇無不為里社北隣皆厭苦一朝折節在儒林文章  
聲價重南金揮毫落帟人爭寶駟馬高車衆所欽我  
年六十纔生尔禽甫積紙情無已古云愛之能無勞  
棄尔幼志毋遊遨怡怡兄弟同努力裕後光前望尔

曹

江門三灘行

江門三灘石轆轤舟師估客齊喧呼蜀舫下水如飛  
電逆流牽挽遲拽卷開河口碣昔耶蒙往來誰識曹  
侯功

中溪行贈王君重隱士

名才

王子卜築中之溪清泠葱蒨環幽栖放歌采芝香露  
窟題詩刻竹青雲梯馮叟道心同水定清風玄韻交  
相映有約同遊滇海頭尋山咫尺升丹丘

競渡曲

江陽舊俗敬端陽龍舟競渡江之傍已欣永日恣遊  
戲况無積雨生微涼五龍青紅黃白黑昂頭豎豨揚  
鬣翼奔電追風躍且鳴擊汰衝波橫復直彷彿湖州  
張水嬉想像習戰昆明池長年三老誇好手觀者兩  
岸忘其疲露紵文身鳧鴈浴千橈百槳蚣蟻足蟻穴  
南柯檀伐槐蝸廬左角蠻攻觸君不見爭利爭名在  
市朝相傾相奪不相饒收旗罷鼓各歸去急流勇退  
同逍遙

冬日可愛行效白香山體

春女悲兮秋士怨長夏炎威如熾炭四時只有冬最  
佳吾今說與君應羨愛日烘晴窻眼開輕霜凍夜衾  
心戀素月初圓雪未消小春才報梅先綻銀燭光搖  
宿酒醒金爐火暖新粧艷騎驢休咲灞橋人吟肩山  
聳詩偏健

天泉歌為潘太史賦名仲騷

天目之山有天泉佳名標題自翳仙龍飛鳳舞隱復  
見丹危翠險峇其顛流泉山下鳴濺濺炯然曲鏡涵  
青天灌注金光草騰為三素烟山水之奇邈難匹其  
間徃徃異人出潘江才華吾昔聞陸海風流相甲乙



箬溪名公為我談神交心醉天之南恍隔仇池仙洞  
九十九又阻江陵客踞三千三諒無乘風翼奇勝何  
由探卧遊夢想情何極題詩為余謝晴嵐

太史升菴遺集卷之六

成都楊慎著

孫金吾宗吾輯

濟南王象乾校

丹陽湯日昭閱

七言古詩

錦屏山歌送何廖二舉人下第歸保寧

家君命代

作時年十二〇何名朝宗廖名嘽

錦屏山在閬州西閬水循屏朝碧鷄只緣烏雀渾難  
到長有雲霞向上栖秋盡澄江澄似玉點漆丹砂映  
深絲環珠瀨畔萬星攢片練峯頭明月宿二妙幽栖  
歲月深無論赤壁與烏林上國別來頻入夢故園歸

去想知音對山舉酒傾懷抱荷鋤夜雨耕瑤草金馬  
門前正集賢莫戀錦屏山色好

題趙東臺潘伯畫汪方伯周潭圖  
青嶂插雕梁白波吹粉壁周潭之景在咫尺斷崖韋  
偃樹橫靄郭熙山東臺之華縹渺間我雖不善畫鑿  
畫莫如我籠烟渲水墨如金苦心獨識良工頗詩興  
長疑燕寢香真遊遙寄洪濤柁舩虹貫月棟飛雲犀  
潭龍鱗好絨鎖

方朔偷桃圖爲實卿賦

漢皇求仙遍乾坤真仙乃在金馬門綏山餘實不可  
見青田遺核今猶存瑤池翠水傳終古青鳥喉歌鸞  
掌舞洞天渺渺限波濤福地茫茫隔塵土方洲學士  
人中仙奕世風流嗤草玄希言已順鴻濛象緝頌還  
歌燕喜篇聯斑彩袖春風裏花源林野明如綺重倩  
投壺郭舍人莫猜射覆東方子

三泊攝尹行贈王西江

三泊之邑大如斗蔥蒙黝麓鳴蟻口亂山深處長官  
清前有余君後王叟仙鳧羽翼得參軍郎位哀鳥不  
必分漫擬河陽花作縣試看秋浦草連雲長吟媿隅  
清池躍思歸綠水芙蓉幙鶯遷幽谷友聲同鷄鳴

鼓民謠作民謠作到處春陽還有脚

射虎行

是碑在廣元縣梅嶺關前侯字上原

錦毛黃斑雙耳缺梅嶺白日行人絕壯士彎弓與虎  
決咆聲撼山箭滿血生提虎子出虎穴七日骷髏死  
冤雪肯使饕餮餐在萌孽赤焰燦雲翠微熱岡原兀兀  
山節節室洞封谿比丘垵清風洒滌腥風滅行人言  
之猶吐舌嗚呼 侯材傑有如此何不早樹三邊烈

烹茶

石鼎烹茶雪浪翻乳華輕漾熱雷喧新酥旋點銀絲  
瀘滿注金壺噴布磨粉槍未旗雲脚走賦盃腥甌亦  
何有好事寧知陸羽遺刊銘為付彌明手

壽張愈光

炎炎紅鏡開照君明詩臺臺中逍遙叟天上神仙才  
神仙中人不易得早歲聲名動京國開元天寶若有  
神嘉祐熙寧忽無色月月郵筒寄我詩時時倩夢說  
相思清談玉露知何日解渴瓊枝未有期柱下相君  
齒重作不須更鍊長生藥墨池飛出北溟魚壽詞為  
寄南天鶴

檢舊篋見劉東阜詩草周栗菴手簡愴然有

感逐成短吟

甲辰歸來自涪右知音已失劉東阜壬子歸來下瀘  
南同社不見周栗菴黔羸高深鬼神惡逝川不駐舟  
藏壑宰木陰陰宿草春遺絨一讀一傷神

資江渡歸續少峽句

皇華亭前望瀾瀾來舟爭捨二流水我遲君速勞相  
待披襟坐覺涼風起君不見襜褕郎冰山子赤日紅  
塵汗如洗炙手權門爭齶指

飲喻少梧美酒歌

榮昌美酒美清醇長安何羨拋青春留連十日平原  
飲通家世講情何真白頭狂歌興不淺垂老遇君未  
恨晚百年笑口幾回開不辭酌酹同山簡

峯高亭留別冷漢池喻少梧肖吾黃恒菴王  
亭峯何橘樓并寄大司寇月梧公

梧桐亭峯高亭酒盡沙頭雙玉瓶東阜水南定水回  
首明朝是千里千里相思春正分碧山如畫草連雲  
柳金黎雪撩詩思聯轡何時復共君

雪夜留客

高曉別業作

融蠟為杏蒂點酥作梅花東君留意粧春態慰我寂  
寞天之涯岸柳先為舞腰軟湖山又作歌眉斂佳人  
裙下月鈎新狂客杯中雲液滿浮君大白君莫推相

何惜玉山頽剡溪莫學痴公子寒夜雪舟空棹回

岷山高壽曾少峽

君不見岷山高出西南天青城峩眉僅差肩媧皇補  
天餘彩石萃律旁魄相勾連下有長江衆流首洪河  
天漢那容先滔滔湯湯南國紀浴日涵月魚龍淵生  
竒孕秀自三代神禹之聖吉甫賢相如揆藻君平易  
王褒詞賦子雲玄伯玉太白詩之聖三蘇四李紛騰  
騫文原邵菴更接武文林藝圃人爭傳有美岷翁江  
陽產呈祥下瑞江之瑛三禮名家耀寰宇五言長城  
煥雲煙七畧自珍紹劉向一麾出守同延年水之江  
漢星之斗峯千氣象江漪漣解組歸來栖林壑黑頭  
見山性所便八袞康寧衍箕福百齡坐越偕倥佗蠅  
頭細字短檠下鷓首高詠澄波前有子俱爲天下士  
先生寧非地行仙維春之辰公初度千花如錦羅華  
筵已倩松篁作筭籟更邀明月當嬋娟老狂起舞爲  
公壽南飛擬賦蘇鶴篇欲效廬山似六一豈有巨筆  
如榮椽

趙凹口留別江陽諸友

離亭秋宴集群仙清歌綠酒相留連遠山十八絃似  
語鞋山十五語如絃今夕孤燈來節驛回首江陽新

月懸

沛縣守風

昨日泝流波浪慳逆行寸步如登山誰意順流風更  
惡停帆屢向蘆洲泊遷客中宵歸思多柰此陽侯相  
調何安得荆非三尺魚中流直下斬蛟鼉

閨詞

綺窻女兒塗鬢鴉曉起手將鈴護花對花無語向花  
咲花枝愛妾當年少可憐夫婿遊俠兒不信妾心妾  
自持結束長安五陵客醉騎驤裹黃金勒翻愛路傍  
楊白華搖風蕩日不歸家只恐繁華易銷歇妾心獨  
照青天月

寄王鈍菴

三五明月滿咫尺美人來行榻然燈寺離筵承露臺  
要我以花朝逢君如蘭茗新湖流水南宮樹輕舟泛  
泛車遥遥

鸞篋掃塵曲 有序

余丙子歲在館閣十二月廿四日出左掖有中  
使二揖而止之曰京城內外以是日掃塵宮中  
亦如此因問古有此禮否慎答以唐人温庭筠  
詩有鉅公步輦迎勾芒複道掃塵鸞篋長之句

掃塵當起于此二人悅而去歸遂效温體作鸞  
篋掃塵曲漫憶四十年前事追錄于此

鴛鴦瓦上霜如粟金鴉早已流金屋九九迎回八吉  
祥依童誼舞驅儼韞頭宮女宿殷粧只恐檀塵落  
杏梁鸞篋掃餘重搦鏡階前拜祝萬年觴香爐畫省  
傳休務風光嫋嫋來温樹百末蘭生酒未醒隆隆鷺  
鼓催天曙

### 春思行

春思行本子安春思賦也其文實詩而謂之賦  
既失其體兼沒其美乃爲隱括之使雙美而無

### 兩傷焉

蜀川風候隔秦川今年節物異常年霜前柳葉衝霜  
翠雪裡梅花犯雪妍霜前雪裡知春早看柳看梅覺  
春好萬里夢佳期三秦懷遠道浩蕩傷春色悠揚感  
懷抱僕本浪跡人平生每自淪懷書去京洛抱劍辭  
函秦旅寓淹良會它鄉厭苦辛忽逢邊候改遙憶帝  
鄉春帝鄉迢遞關河裏神臬欲暮風烟起黃山半人  
上林園玄灞斜分曲江水昭陽殿裡報春歸未央臺  
上看春輝水晶却挂鴛鴦幔雲母橫開翡翠幃銀蚕  
吐絲猶未暖金燕銜泥試學飛長安狹路繞長干公

子春來不厭看杏葉裝金轡蒲桃鏤玉鞍聳蓋臨平  
樂迴笳出上蘭上蘭經鄆杜揮鞭日將暮白馬新臨  
御溝道青牛近出章臺路章臺接建章垂柳復垂楊  
草開馳馬埒花滿闔鷄場南隣少媚多妖婉比里王  
孫駐行幟乍恠前春節候遲預道今年寒食晚紫陌  
青樓照月華珠帷繡帳七香車我眉畫來應幾樣蟬  
鬢梳時歌欲斜狂夫去去無窮已賤妾春眠春未起  
自有蘭閨十二重安知榆塞三千里榆塞連連玉關  
側雲間沉沉不可識葱山隱隱金河北霧裡蒼蒼幾  
重黑忽有驛騎出幽并傳道春衣萬里程踈勒井泉  
寒尚竭燕山烽火夜應明君子塞外多霜露爲想春  
臺起煙霧遊絲空冑合歡枝落花自繞相思樹春望  
年年絕幽閨離思結春色朝朝異邊庭羽書至都護  
新封萬里侯將軍稍定三邊地長旆猶含掃雲色寶  
刀尚擦干星氣昨夜祁連驛使還征夫猶住雁門關  
君度關山成白首應知歲序歇紅顏紅顏一別成胡  
越夫婦連縣限城闕羌笛橫吹隴路風戎衣直照關  
山月復聞天子幸新豐馳道煙塵萬里紅後騎猶分  
長樂館前旌已映洛陽宮向夕天津洛橋暮爭驅紫  
燕黃牛渡武子新布金錢埒季倫欲償珊瑚樹春來



併是春何帝兩違秦風物雖同候悲歡各異倫  
歸去來春山恣閒放蕙畹蘭皋行可望何爲悠悠坐惆悵  
比來作客住臨卽春風春日自相逢石鏡巖前花屢  
發王輪江上葉頻濃高平灞岍三千里少道梁山一  
萬重自有春花煎別思無勞春鏡照愁容盛年渺渺  
辭鄉國長路遙遙不可極形隨朗月驟東西思逐浮  
雲幾南北會當一舉絕風塵翠蓋珠軒臨上春年年  
送春應未盡一日逢春自有人

岷江行送鄒魯瞻叅政

岷江江水西川西靈源誰濬尋源迷九州襟帶分千  
里三峽崩勝會五溪五溪三峽岷江委濫觴宛轉方  
舟起日夜朝宗向北溟乾坤巨浸開南紀北溟南紀  
總滔滔灑灑侵雲赤岍高蜿蜿青翰聯越榜翻翻白  
鷺人吳濤吾聞峽精通井絡直帶星躔上阿閣翹翹  
析木曉成梁采采扶桑殊未落錦袍仙客銀潢槎青  
楓光采照天涯魚龍近避中流楫鸞鶴遙迎東海家  
海曲悠悠限江國登蘋騁望佳期隔只言錦里異長  
風不道青丘共明月月明霜冷夢長安江波此夜不  
勝寒江頭天際歸舟處定折相思寄澧蘭

壽劉培菴

培菴夫子人中仙朱顏黑鬢無華顛玉堂箕裘紹文  
業妙齡射策丹墀前香爐畫省衆皆羨牙籌粉署誰  
能先徊翔九州亦已半簡在中丞

皇所甄八座三台行有待急流勇退何其賢傳金襲  
紫見英嗣日日椿庭戲綵筵曾玄繞膝含飴弄鴈行  
次第將鵬騫祗應海上蓬瀛似未許世上榮華專春  
風桃李叶初度江水蒲桃湧壽泉玄鶴南飛瑞錦地  
青鳥東來散花天我忝通家自童稚鳩車竹馬恒周  
旋松栢歲寒益蒼翠枌榆迢遞阻山川江陽渝州眇  
千里恨無羽翼隨飛鳶借錢並屋為公祝一歲一歲

長庚篇

未菴用能弟出守姚安過高峽夜語徹夕不  
寐五更乘月別去匆匆賦此

滇湖萬頃魚龍宮扁舟晚繫茆屋東忽傳門有車馬  
客乃是阿連停畫熊握手伸眉對床語詫我髣髴添  
幾許問訊兄弟及鄉間契闊飄零感戎旅鷄鳴殘月  
暝長庚馬嘶又促蜻蜓行秉燭歸來疑夢寐湖波淼  
淼拍離聲

真真歌

愁機懶織同心苣悶繡先描連理枝紅玉枕高冰簟

滑凝煙戛水春雲澗重重翠被紅雲錦枕肱不枕相思枕

### 青山虎

青山層層復盤盤往來喘汗愁躋攀日日黃昏人跡絕年年十月虎交山渡河那有宗均伍下車馮婦怯且阻君不見羽淵今又出黃能戾蟲不獨青山虎

### 青泉歌贈游國史

吾聞鴻寶八公云下有青頰上青雲游君弱齡有仙骨青泉卜築離躑氛牽絲揮毫青殿裏玉盃繁露分餘泚掛冠歸來髣尚青一泓洗淨巢由耳長吟短詠盈三千何止斗酒詩百篇我今結廬江陽上與君只尺近相望相思不靳遞詩筒正賴潄浚洒塵鞅

### 土地嶺行

土地嶺頭惡氛起游擊將軍抱綏死羌髻步卒五千人一日同爲鋒鏑鬼無憂城下滿戈鋌浪說西戎即敘年君今正要封侯印汝命如絲何足憐

張傑戰死  
松潘事

### 青天謠

青天謠滇西采風謠頌兵憲石梁郝公也都諫弘山楊公侍御中溪李文之雅什有青天白日在霜臺之句走也嗣之爲青天謠

君不見鍊橋金浪瀾滄地雕結卉裳紛異類當寧重  
命西南維持簡儒纓無閩寄矯矯石梁公濯濯香案  
吏天球天府攸霜刃霜臺試公道明明白日昭采風  
宜獻明堂位公身上明堂公名高點蒼後有石梁郝  
前有時川姜二公之名迥相望誰其云者成史楊

長生歌壽張禹山

壽君十載前合樽促席在連然壽君十載後問月停  
雲遙舉酒疇昔京華總角時通家兄弟好襟期即墨  
藍子破萬卷申臺何郎工四詩倒海聲名共葱蒨過  
都意氣相追隨不數雕蟲童子篆寧論黃絹外孫理  
行空天馬屬公等躍漢雲龍非子誰我下承明來荒  
成夢中忽到蘭津路海燕欣逢王謝家華館春風起  
煙霧萬里故人還舊遊廿載窮棲忘旅愁馳暉催人  
若逝水覽鏡何言俱白頭我病摧頽滇海上羨君頭  
白神猶王散帙眸回巖電光揮毫句挾江濤壯翻憶  
連然共醉年欲往從之空悵望空悵望將柰何一掬  
金光草再折瓊枝柯桃竹書筒付頽鯉請公聽我長  
生歌富貴一朝石火滅文章千古聲名多聽我歌再  
進當年金叵羅

贈孫將軍

將軍疑是孫武子遠探虎穴危不死刺虎不假尺寸  
兵捷書夜報金滇喜曾記吳官教女兵廿年詩識遞  
相驚凱歌不用新翻曲只奏當年金縷聲

和禺山

函關仙氣跨青牛燕市豪華躍紫騮招隱共歌山偃  
蹇相逢聊作野盤遊可憐天上張公子亦有浮雲日  
暮愁

南寧驛

南寧古驛客毡寒懷遠傷離思萬端渙几傾歌馮末  
穩剝床泉兀夢難安衰齡七十猶行役白首龍鍾淚  
不乾

雜體

摩尼至晉市

彎馬蹄跛狗脚胡孫愁騰蛇却竒肱莫飛車神禹難  
乘橈雙翼羨青鳧三歎望碧落

泛水褫體

臨遠水弓極雲海之茫茫齊桂楫以擊汰望蘿筓以  
搖舳扣榜歌以流唱撫流景以徜徉沿三島之赤崖  
泝九曲之滄浪詠吳趨兮渺閭闔激楚秦兮懷瀟湘  
三翼青翰重英朱軌倚通川之長薄陶小春之遲晷

手 卷之二  
霞綯紫兮朗懸波澹淡兮不起語海童兮煙之濤招  
漁人兮蘆之碕睇翠微趨綠水攀紫籜折素芷洞清  
言析玄理陳古風歌正始忽白日之西匿留情懽兮  
未已指回塘以分背視星漢之空明何余心之廖廓  
感越鄉之羈情聞馬融之長笛聽謝傳之哀箏翔寒  
蛩而寫怨聆歸鴻而寄聲且曰芳歲歇兮芳夜闌旅  
遊倦兮旅懷殫偕美人兮携手聊逍遙以盤桓

山行即事

沃野平林莽回互茫茫芳草無行跡杜鵑飛上鼈靈  
墓

詠霧松

霧松霧氣所結著物如珠璣曰霧松著樹如介  
冑者曰木稼輕則爲霧松重則爲木稼霧松主  
豐年諺云霜松打霧松貧兒備飯菴是也木稼  
主貴人災古諺云木若稼達官怕是也木稼言  
其花著樹如稼穡一曰樹稼又曰樹介俗訛云  
樹挂春秋所謂雨木兵也然則夷方豐災皆不

驗尔

木稼達官不怕霧松豐年無徵蠻天風景常如此把

送行人兩鬢星

把送戲用貴州土語也

子于征餞送何師禹秋試

行行子于征星夙駕風揚旌徂貴竹辭昆明昆明當  
別踞貴竹在何處蕙帶脫荷衣青雲起玄霧貴竹昆  
明舊附庸合書薦士蓬萊宮祇今省署開文苑爭向  
天街繼駿雄險固邱陵鬱盤踰百載絢煥燦爛聲明  
一朝改有鳥有鳥不飛而不鳴鳴當驚人飛當橫四  
海

普市驛見異花一幹喬立中空而外紫花開  
于幹末類叵羅形有黃白二色故取金銀之

名云

金叵羅銀叵羅瘴花開昔瘴雨多二梁峭雙井坡馬  
頭采折記經過流芳催人鬢蹉跎柰此長征遠戍何

銀兵謠

梁山平江水清不知何人招銀兵銀兵來金穴開十  
十五五棲蒿萊紅花舖前生黃埃殺人不畏省與臺  
商旅斷銀兵斃商旅死銀兵止不怕埋藏深洞裡只  
怕氏羌婆樓起

太史升菴遺集卷之七

成都楊慎著

孫金吾宗吾輯

濟南王象乾校

丹陽湯日昭閱

五言律詩

寄石季瞻赴臨安謫

聞道炎方謫遙從瘴海過後期淹歲月前踞脊風波  
霄漢孤鴻遠關門九虎多卜居何處問薜荔在山阿  
烁夜飲荷筒留懋昭不住

翠竿浮春泳金塘折晚荷潤承雲表露光漾月中波  
城闕聞宵漏簾櫳見曙河無因續餘興聽爾醉昔歌



雲樓總戎招遊太華寺陪少司馬若溪顧公  
以疾不赴顧公以詩見懷次韻

玄韻諧支許清遊訪郟岑嶺雲當暮合湖水過爍深  
舊雨還青眼昂霄有素心仙塵將北上旅望極南尋

長安道

通衢連狹斜復道接谿衍延閣如雲蔓方池似月華  
風追半漢馬雷轉七香車寂寞蓬蒿徑誰過楊子家

法華寺

金刹倚蒼蒼青蘿隱石房靈風何縹緲佛日自清涼  
平野流烟藹高峯掛夕陽山僧不肯住空自鎖禪床

吊毛用成二首

闕下蒼茫別泉臺汗漫遊丹心君事畢白髮我生浮  
四海英雄淚三年魑魅愁臨風誰與問天道信悠悠

其二

夢想猶疇昔交情已古今逝川何渺渺虛籥意沉沉  
向秀傷心笛嵇康顧影琴盤桓千載意愁對夕陽林

寂夜

時有尋甸巨寇

寂夜仍衰鬢窮冬復旅遊背燈頻吊影聽角迥添愁  
飄泊人間世微茫海上洲冥心無比夢垂老任南陬

湯亭惜別李仁夫

客路難知己他鄉又別君欲將繩繫日愁見樹緣雲  
丹竈三山想瑤華五色文昂昂出塵鶴何事在鷄群

荅張禹山二首

江海喜相遇烟霜悲長年豪華如夢裡憔悴阿誰邊  
天地賭一擲風雷驚四筵虛名身外事且作飲中仙

其二

舊日張公子風流今宛然采珠懷洛浦對酒話秦川  
紫氣豐城獄丹光勾漏天幾肯真脫屣携手挹飛泉

席上送別二首

南浦盈盈淚東風小小年回燈窈窕夜分鏡沈寥天  
銷骨驚花箭離腸泥酒船可憐明月子依舊影娟娟

其二

楊柳織愁多離亭飲淚歌枕前粧半面門外盼斜柯  
馬陟崔嵬路鳩鳴窈窕河芝田有婦鶴傳信與微波

再酬張愈光問疾

渺渺巴州隔滔滔孟夏深九愁驚帶眼一病廢琴心  
再枉青驪步薰懷紫鳳音孤燈挑寂夜伏枕欲長吟

海閣舛眺與趙中夫張子正楊伯清同作

詰曲穿螺徑微茫指雁洲綠蘇迷北望碧草悵西游  
舊話楊開府新題趙倚樓更逢滄海客暇日坐銷憂

贈顧焯山

雙賜麒麟筆孤歲獬豸冠清風生貴竹湛露灑苴蘭  
觀水歌三疊浮江賦七盤天涯此傾蓋雲外重濡翰

喜雨

梅霖濯曉天竹戶起涼烟赤城焦原土青田下澗田  
蘭樽動清酌桃簟靜佳眠爲語湘川燕飛飛且莫旋

天祿毛希魯携酒過

客有山陰興慰此離居情玉局尋樵隱金徽揚海聲  
月枕遙夕夢風帆片日程携手期新歲無令春草生

送蕭于東往臨安

天涯歡笑少歲晏客心多子誦東征賦予傷南浦歌  
他山春亦動旅館夜如何莫遣烟花晚尋芳待重過

程羅山約會溫泉不果因寄

名旦

上日有蘭期流風詠碧池漁舟淹去影君馬望來思  
澤國江花早汀洲海燕遲何時醉山簡重擬問桓伊

海園梨花寄李華仙毛東鎮

素蘂艷韶年清宵月未弦流風迥回雪舞星暝衣天  
蛾驚白虹影蝶宿碧鷄烟近阻東林賞遙傷南浦船

呂閣晚晴與李信夫梁宗吾登驛樓

雲送沙橋雨風迎呂閣花長虹垂澗斷落景避峯斜

隱几莊周籟凭闌謝眺霞登臨有二仲談笑竟昏鴉  
寄徐用先程以道時二公成遼東

申霜下二庭逝水感三萍勃海雲常黑天山草不青  
成集休鵲起避弋且鴻冥溟微書難達醫閭夢幾醒

美人緝額圖

綵絲交燕尾金縷截鸞肪月出蛾眉艷春添獺髓香  
蓮腮花瑩色粉頸玉磋光緝罷仍臨鏡邀郎整鬢黃

卜蘇溪韓北野相邀老君臺翫月

月觀澄清景霜臺敞夕筵分杯沾沆瀣移席就嬋娟  
千里攀嵇駕三更訪戴船那能辭一醉衰白意都捐

七月十七日夜高峽水村與簡西巖玩昆明

池月

靜夜月華臨柴門枕碧潏金波穿水面玉塔掛湖心  
幕幕河光淡滾滾露彩深全勝謝希逸朗詠有知音

金波玉塔必親見湖月乃知此景江月無此也

易門縣石洞

仙家小有洞山中大畜天騰蛇遊豹霧蝙蝠飲龍泉  
仙露明珠墜剗風石髓懸重遊尋醉墨再記赤明年

賦得江路野梅香

秀色已堪餐清香更結歡博山籠曉霧沈水熨春寒

東閣仙郎筆南枝玉女闌氣氲還惹夢落莫認江干  
趙龍巖少叅載酒過普賢寺還舟同醉賦此

以謝 趙名維垣

鷺寺敞初筵鷗波送酒泉沈陰迷卜晝爛醉忘回舩  
別夢昆明水離心蜀國弦側身東望處高誼屬雲天

吊三華沐錦衣

金陵佳麗地玉樹懊懷歌白也遊仙去虞兮柰若何  
營營魂識路渺渺淚添波惆悵雲津笛山陽恨校多  
高嶢元夕寄董梅月太守

雪霽燒燈節風輕闌草天縈絃胡撥四眉索漢秋千  
波照生塵襪山明掃黛煙娟娟梅月底心賞隔鯉川

恭聞 駕還都

星使傳三鎮天王罷六師傾城迎玉輦深殿駐牙旗  
北嶽陳虞狩南郊肅漢儀侍臣江海上多病阻論思

中炂夕

月幌臨秋敞涼襟向夕輕鮮雲承倒影斜漢界空明  
盧女流黃色班姬搗素聲含愁獨不見團扇若為情

章後齋席上

梅霖首夏清蘭酌動仙楹竹翠侵杯斝槐涼減扇聲  
煩襟風與濯老眼月增明嘉會從今始還諧汝社盟

春夕旅宿

雙堠還雙堠長亭又短亭澄潭初印月危磴欲攀星  
倦鳥投深樹羸驂怯遠垌村醪如水薄何用慰飄零

送別珥江至水利橋

翠水獨梁前黃雲麥秀邊柳花方漠漠荷葉已田田  
南浦重三節東城尺五天晤言應在即不待錦箋傳

贈何溫江雲汀

雨潤壇名灌風清邑是蒲瀟瀟塵外韻冉冉府中趨  
星座雙鳧健雲汀一鶴孤吟情何遜好選句入詩圖

詠海蟾

月令標螻蛄詩篇詠鼃醜玉鈞詹子鈞金瓦慶卿投  
鼓吹角招叶文章科斗留仙人形狀異君見海蟾否

九日微冷

巴諺教移火邠風戒授衣病嫌添夜漏寒覺愛朝暉  
吊月吟蛩苦迎霜候鴈稀黃花羞白髮不肯放荆扉

江陽黃菊絕少

夕霽

已見朝嵐豁還欣暮靄寒簷聲停點滴窻影下嬋娟  
燈蕊翹花朵爐星香炭煙埒鷄休促曙惱我靜佳眠  
施應民送羊桃蕉實

南果出奇觀東君賤客歡  
葳蕤青玉案點注赤瑛盤  
清露鸞刀膩炎天瑪瑙寒  
故園同節物想見荔枝丹

廣寒館對月寄諸弟

月華隨處好况在廣寒宮  
流水涵蘋影清香度桂風  
遙鍾仙梵冰長笛戍樓中  
相望無千里西園讌笑同

詠松明

棧道無燈燭松明采薜蘿  
霞光流板屋星星點散江波  
壁上煙煤古風前香霧多  
長安炊桂者驚對此山阿

送戴應和使楚

風壤荆人國星軺漢使車  
雲霄持玉節原隰雍皇華  
楊柳青門色芙蓉赤岸花  
歸期非隔歲別路詎言賒

登金華山玉京觀中有懷陳伯玉書臺

石磴上盤雲仙家氣象分  
樓臺青靄出笙籟玉霄聞  
飛鶴朝朝影栖鸞夜夜群  
官衢絕只尺人世隔塵氛

北人始發宿廣漢

旅服淹寒月征轡遲曉星  
山臨猿眩岸江繞畫烏亭  
露葉萍猶紫風條柳自青  
悠悠今夕漏杳杳異方聽

紅梅

節候猶遲臘烟光已弄春  
紅梅芳樹底彩筆詠花人  
豐容緩頰頰微辭通絳唇  
何須明月夜始作巫山神

納溪玉林寺劉叅之承之梁騰實三君子遠  
餞贈言坎韻叅之名景宇承之名景宗騰實名茂

仙舟李膺棹梵宇遠公堂妙墨仍題壁濁醪從過墻  
春風遷客踞明月美人鄉欲折瑤華贈相思幾歲陽

其二

人天金作地仙梵玉為林舊路縈巴字新波動越吟  
稍醒塵土夢未斷去來心惆悵難回棹泠泠夕磬音

中山寺

人境猶圖畫禪宮已劫灰馱經白馬去聽法紺蛙回  
石竇金銀氣花林錦繡堆登臨興不盡松壑暮壽哀

太華寺江風山月樓次葉道高韻

谷響林風早潮音水月期鐘鈴有玄韻猿鳥也清規  
海氣浮雙塔燈輪曜九枝令人憶支許物外得心知

李文瑞自金沙窮源至

使者尋源至將軍上隴回江流通沫若雲氣自昂崒  
古樹欂櫨出殘花首蒂開關山有明月今夜近香臺  
賦得當歌共銜杯

清唱動梁塵銜杯共玉人引滿擢素手傳空逗絳唇  
凝脂淺印月媚眼旋添春絕纓客未醉滅燭莫羞顰  
遊法華寺晚歸再飲遙岑樓



羅綺伴山遊  
雲林意轉幽  
苔愁金屐齒  
花妬錦纏頭  
陽燄紅將斂  
清嵐翠欲流  
清搏與不盡  
邀月坐岑樓

贈揚宗道

愛爾幽居好  
翛然遠世紛  
鳴琴月下弄  
流水枕邊聞  
門對蒼山雪  
窻通玉局雲  
神仙應可學  
笙鶴幾曾群

留別三池

垂老復生離  
相思天一涯  
四愁憐遠道  
五噫感明峯  
樹繞青衣國  
花深黑水祠  
從茲萬里去  
莫遣鴈書遲

彭子充兌陽書院

山形如兌卦  
水字學巴文  
蟄近龍蛇窟  
遊隨鹿豕群  
釣竿歌竹嫋  
紉佩裏蘭芬  
諫草明光在  
那容卧白雲

貴竹風土課

貴竹古遐荒  
巢居禊卉裳  
星文直天厠  
風壤接炎方  
夏果猴桃艷  
春羨燕麥香  
踏歌苗寨女  
不信有姬姜

貴州古志雲  
牂叢之國  
梁州裔地  
參井餘氣  
其星直天厠  
故土多汚  
溽天少朗  
霽

遙岑樓贈簡西巖

遙岑別更逢  
不放酒杯空  
采菊山村外  
尋梅水寺東  
更衣無漢婢  
襍被有胡童  
同是殊方客  
從人笑轉蓬

代贈

初月闌輕盈  
蛾眉畫不成  
十千休倚市  
三五已傾城

舞掌才迎蝶歌喉欲轉驚楚官曾未見空有細腰名  
送沐光緒北上

未忍銷魂別還成攜手遊登樓先見月醉水更宜爍  
風逐扶搖起雲如車蓋浮相逢莫遽去乘興且夷猶

東橋酒肆送別代贈

春城雪絮浮征轡若爲留昨暝更衣處今晨分袂樓  
峯回南北路水咽東西溝遙傳一掬淚千里逗湘流  
江西留別莫南崖儲西澗何松巖

月報將軍幕星屏刺史筵離觴才海閣良宴復江川  
解渴瓊枝句相思玉樹篇後期因問訊爲報在溫泉

避暑開善寺作

避暑蒼筤竹追涼紫脫林赫曦潛畏景靈籟滌煩襟  
鄭圃還仙御蘭臺更好音飛觴方湛湛歸騎莫駸駸  
言返永昌至天橋口得大理諸友書

總轡臨元歲迴鞭指仲春錦鱗遺遠客花鳥促歸人  
仙梵蒼山曲漁歌黑水津相逢得無興取醉泥芳辰  
五日喜董西羽見過

南國蛟龍節東林蟾兔新誰携昌歎酒同醉葉榆春  
滄海清泠客名山紫翠賓興來歌一曲天籟滿松筠

留別周雲岑

雲岑以泥金乞序書

君去星沙郡歸來月洱滄卜隣王翰近入社遠公宜  
碧馬秋風起青鈴夜雨隨相看未忍別祖席更彈碁

其二

以君錦繡段書我金華篇斐几門生護蒲葵市姬傳  
銀鷹愛貞白銕馬笑桓玄昔人亦何事徒誇水墨仙

送楊訥甫秀才

青翰沂江表緹騎返滇陽風順鵠原近雲開鴻路長  
新詩在孤嶼舊夢繞迴塘明月庾樓夜何人據笛床

通海湧金寺

鷲嶺金波湧龍宮玉鏡分香臺淨旭日芳樹翳朝雲

日暇華簪集天空清梵聞炎林且花事綠酒映紅醺

遊石湖

石湖浮小春鏡水淨遊塵歌吹疑金谷樓臺似玉津  
醉渾迷草聖狂欲酌花神小隱武林近垂竿思卜鄰

十月廿六日即事

章臺細漏夜句曲少春時蜀琴來卓女越網得西施  
冉冉雲生步纖纖月在眉棗花先入夢蕢實未應遲

東行寄王民望

晉寧遊騎獨江川宿館空詰朝感客思往歲憶君同  
悵望夏雲白相思秋樹紅因之成命駕行矣慰飄蓬

六月廿五日星回節湧金寺觀火炬

遠水江澄練靈峯地湧金恍疑星宿海忽訝火珠林  
歌吹蟠空下樓臺倒影臨共酣銀漢會一聽白榆音  
元夕前一日滇城西庄夕寄沐石岡周木涇  
華月春城夜流風碧海潮宴從金谷散漏自玉壺消  
燈檠寒花地鑪薰暖蕙飄探懷同興客抱病阻佳招

溫泉贈余草池

溫泉通玉洞華屋浸瑤湍下緣太真粉應有稚仙丹  
謝客吟池草湘纍歌澧蘭清言慰達暮白首忘衰殘

雨中與余懋賢小飲

零雨還飛蓋餘寒且命盃玄經留草閣風賦擬蘭臺  
駘蕩青春謝恢台孟夏來嗟跼阻良會歲月信悠哉

江上浣沙女圖

江上浣沙女兩足白如霜不着鴉頭鞮山花屐齒香  
天然去雕飾梅岑水月妝肯學邯鄲少匍匐壽陵傍

春發祿品至祿豐

十里棠梨哨三重棟橡坡老來疲執戟此地幾停珂  
南浦江籬短東亭水荇多不堪回白首新柳轉猗儻

喜張禹山至自京二首

京華想空谷岐路一何長萬里旋歸軫尋于舊草堂

涼風吹玉樹海色夜蒼蒼一誦英瓊什端憂忽已忘

其二

君還三秋杪感此鮮林枯房芝委蔓草畝蕙積焚芻  
盧諒艱征賦虞卿窮愁書沉鍾與埋劍星斗亦躑躅

錦箋仙蝶詩有序

九月五日與客泛舟浣花溪滌雲既開殊陽始  
霽倚棹花間為歐海蟾書薛濤詩卷有彩蝶

集于墨痕揮之良久始去留碧痕如黥粘于字  
端綠侶蜻蜓翠如鸚鵡銀勾增麗盪櫛分華亦

奇事也劉涓江取錢起詩中語以錦箋仙蝶為  
詩題黃孟至欲余賦詠記之并邀周昌言張秋

涯兵和之

粉蝶沾香蕊魚牋點碧霞墨香橫左錦文心雕龍太

錦華彩闔江花開慢媚媚過迴舫嫋嫋斜在休潭未

見詎可咲黃葵

冬日與董士和丘鴻夫張子中過獨樹鋪晚

歸即事

訪古出東垌衝寒憇野亭繁梅先雪白獨樹後冬青  
濁酒牛頭瀉清歌馬首聽迴巖星點亂雲火下空冥

鋪東山澗流泉出古錢千餘文 篆 三代

子集卷之八  
蜀中頭青好  
清古出東阿  
與董士味  
今日與董士味  
吳晴可知黃卷

今日與董士味  
吳晴可知黃卷

吳晴可知黃卷

太史升菴遺集卷之八

成都楊慎著  
孫金吾宗吾輯

濟南王象乾校  
丹陽湯日昭閱

五言律詩

九月寄月塢

雲砌魚鱗浪霞烘馬腦  
天窻爍開遠岫閣霽俯平川  
藻席黃花上蘭燈綠桂前  
且聽東武唱莫動北梁篇

鳥撒喜遇韓學可表弟

葭倚霍家親萍鄉鄭驛人  
解鞍仍卜夜促席就生春  
短舞提如意長歌漉酒巾  
戎衣行擬脫歸棹候江門

霑益館贈黃指揮恩

漢地非胡寨行行何太艱  
旌旗明水箐鼓角動雲關  
白壁虞卿去黃金季子還  
指揮能事在孤客破愁顏

楊林早發喜晴

綠樹藏郵舍青山出哨樓  
宿雲開薈蔚初日淨林丘  
平遠王維畫蒼茫杜甫愁  
今宵明月滿為報大刀頭

石寶山探梅

佚女在瑤臺霜華炯未開  
孤芳知有主偶影恨無媒  
與為金樽發歌緣玉樹裁  
羅浮今夜夢城角莫相催

酬左三鶴惠銅雀硯

鳳凹玄王汁龜凸紫琳腰  
銘存建安字工掩未央模  
飛蓋憐瓊藻分香記錦麻  
懷人更懷古燕寢隔龍珩

贈楊雲溪

吾宗挺神秀文苑早攀躋  
城闕青襟滿門墻錦帶齊  
康成居北海伯起在關西  
泮水恩波接徵書照紫泥

送標峰程大叅資還徽州

杜若滿芳洲滇池俯急流  
傷離當避地送遠阻高丘  
傾蓋還嗟晚揮毫欲辨秋  
雲中饒一羽莫惜好音投

移竹

叢竹隱參寥移根得幾朝  
錦苞才出土玉節已凌霄

月榭搖龍鬣風亭戛鳳韶山中清汗簡惟寫白雲謠  
高峽中秋戲東方草村將軍索酒

明月高峽夜西園隔勝遊荒村無美酒何以度中秋  
聞道仙家甕金莖沆瀣浮麴生風味少試覓醉鄉侯  
十二月六日風霰異常

溶雲鬱四垂海若舞馮夷霰漏鴛鴦瓦風罟鶴雀枝  
靈鰲青巔飛鷁白漣漪頃刻還聞霽蒼茫不可知  
聞西路修治志喜因寄劉洱江周五津

近聞霑益踏平砥似咸秦草木新春色關山古月輪  
鄉心懸馬首江信隔魚鱗候館梅如雪無媒寄洱津  
苦蚊

炎方殊可恠三月響蚊雷塵尾搖不去豹脚紛還來  
丁惠漏欲歇兜羅香已灰終宵無穩睡歸夢莫相催  
高峽殊興

人境塵難到吾廬地自偏山厨烹白小水碓師紅私  
僧磬松濤上漁燈柳浪邊休吟招隱士擬賦小遊仙  
仲殊朔日自高峽還安寧

白社青岑麓丹房翠澗隈來驚鵲橋渡婦及雁門開  
漁父清纓曲田翁濁酒杯要予重九節採菊鈔高臺  
丁未季冬會王鈍菴兼東桐岡

王名廷表葉名瑞



騎竹記雙童杖藜今兩翁不因樗散並焉得咲言同  
山水青霞外絲桐明月中壽朋圖畫裡莫惜醉顏紅  
送岑蒲谷大叅之蜀

青天登蜀道朱夏敞華亭甘澤雙林雨台光一踞星  
離情感桑梓良會惜蓬萍悵望昆明水拿音日暮聽  
溫泉浴沂亭次胡仰齋韻

興遠文翻水詩清思湧泉烟花添藻麗雲木湛芳鮮  
劉表懷三雅鍾期賞五絃何殊東魯地重見浴沂年  
逢入京使

曉遇朝正使天涯絡繹來胡塵今已靜仙駕幾嘗回  
積雪飄芳甸寒雲落古臺北征愁杜甫日莫獨徘徊

落日

落日迴船好明霞隱樹微山烟晴冪冪江霧晚依依  
沙磧移檉岸潮痕上竹扉新爍渾幾日涼滿芰荷衣

喜霽效陰何體

昨擬愁霖賦今成喜霽詩林聲息天籟窻影憐朝曦  
金星參差出燈花天矯垂鷄鳴興視夜梅箭掛參旗  
紫房詩會章後齋熊南沙別館所招因簡

蒼蔚開紅旭暉暘隱紫房清醖浮艷雪綠橘試新霜  
好日天家占良朋雲會妨誰言不同賞俱是醉爲鄉

東岩小會萬江野萃有詩相訊次韻

城中厭塵鞅江上狎漁竿香界何遙邁慈雲自蕭曼

見文選

楓林聽瑟瑟松嶺望丸丸咫尺勞相憶詩禪

興未殫

再和曼字韻

上方樓百尺平楚日三竿鷺鷥浮靈彩魚龍靜戲曼  
早梅苞玉蕊霜橘綴金丸薄暮肌生粟流澌凍體殫

寄湖州諸公四首

萬里如同社三秋有報章天涯同節物海曲異烟霜  
彩筆緘情密瓊枝引夢長因風傳一札春渚漾歸艎

其二

舫陂吟十絕遙寄廣心樓風憶張公子雲懷沈隱侯  
神遊分白社仙賞接丹丘靄靄停雲望何當托乘浮

其二

錦綺雙鈎字玲瓏七犯歌遙傳滇海曲回寄獨山阿  
孤戍憐萍梗幽人隱薜蘿白蘋渺予望碧草柰君何

其四

罨畫溪邊樹碧瀾堂上春鷓鴣辭舊侶鷗鷺詰新鄰  
夢斷停雲館鬼銷問月津車輪生四角何用慰情親  
將之成都春雨曉情招劉洱江一首

薰風吹麥壠香雨霽梅林九扈頻催蒔三農久望心  
溪流添燕尾地籟學龍吟好續昌黎句城南瑣碎金  
郟縣早發遇雨

孟夏滔滔雨沱江細細紋麻疇濛濛綠霧麥壠蘸黃雲  
原色明周撫絃聲入舜薰不辭泥濘苦投館挹涼氣

留別唐池南

素節金商屈華筵綠野開深盃才泛菊長笛已吹梅  
歌遏行雲駐歡邀步月回遙傷溝水別寧惜玉山頽

出永寧江馬船中戲簡西巒

擊汰歸心勇登艫望眼開幽如離鬼洞爽似上仙臺  
野闊天粘草江清月印梅榜歌無越鄂且進盪寒杯

白露日病中東少峽南谷

疾疾饒新感形骸非故吾婢能尋本草兒學誦靈樞  
晝減舖和啜寒增褰與襦塵生徐稚榻暝據惠施梧

送西漁上京

風帆下五津煙景歲相新湖色憐青草洲芳詠白蘋  
皇都春易晚客館夜難晨千里雙鳧去題書報故人

合州大雪東王相山

曉風嚴朔氣暮雪滿涪江有態迎桃楫無聲洒竹窻  
舟膠漁浦釣鍾咽淨林撞何用排寒陣紅爐綠酒缸

春寒病中

春寒猶料峭春雨更纖綿衰病藥裏積佳眠鐘鼓傳  
登樓代春眺擁鑪當夜筵堪憐小兒子雙戲一燈前

送韓城峯

送子南征去經途險且深高山無白日密箐足玄陰  
夢裡哀猿嘯愁邊猛虎吟滇雲今樂土莫動異鄉心

鴻姬問疾

問疾得卿卿秋涼枕簟清居然摩詰室不是閨婆城  
藥枕纖纖捧蘭燈盼盼擎蒲團永今夕對數短長更

北岩飲客

碧江橫檻外金刹直雲端地煖旃先坼天晴歲欲闌  
流霞溫酌躍白雪艷歌攢獨飲殊寥落因君寄一歡

侍御王公懷德祠詩

承家得令裔世德有遺祠月旦桑梓重春秋霜露思  
史留烏府疏人誦鶴樓詩珍重瀧阡表無勞峴首碑

遥岑樓送康良卿

日動蒼龍曉風高碧馬秋山川此時別岐路少年遊  
未破秦成夢先醒滇海愁王孫芳草綠春滿謝池頭

再寄鈍菴

相思問滇津相携同踏塵蕭條呈貢夜窈窕勾町春

南洞雲將合東山月復新  
心期在咫尺遊興正嶙峋  
喜沐光緒兄弟過宿

君家好弟昆風華江左存  
閣夜沉鐘漏庭春接渚壘  
聚星環旅榻帶月過仙村  
彩筆愁才盡難酌令德言  
苟阿迷來得金鶴卿書及詩次韵

五馬何時發雙魚此日聞  
袖懷三歲字篋惜十年薰  
黑水連涪渚蒼山接蜀雲  
獨憐明月共莫厭朔風勤  
送涂竹齋還撫州

離心正鬱陶別夢隔波濤  
秋月如團扇皆風似剪刀  
桂花金粟柱楊柳綠絲條  
對此勞相憶天涯總二毛  
海口

萬古昆池水西南天地間  
湯誅吞夢澤曾咲涸梁山  
鴻隙行當復龍宮徒亦艱  
千村廢耕耜不見海童還  
寄董西羽

不見董生久歲序幾涼炎  
樓撐橫紫北家在點蒼南  
隱節盧鴻一詩名綦母二  
滇池無過鴈何以達遙緘  
近歸有寄

祿品宵征路堂川暝問津  
涼風吹遠思新月照歸人  
未醒雞邊夢猶驚馬上身  
明朝携手地先醉雪梅春  
月季花

一名月月紅又名月桂古名長春花  
又名長樂花蘇許公有賦

艷萼高千卉繁華貫四時歲莫知共節月桂本同枝  
好事春長在餘芳閨與期天涯懷故國腸斷許公辭

病中排悶

老覺戎行倦行驚旅力衰半人嘲鑿齒一足笑盧夔  
歲月丹臺隔煙霞藥鼎隨所思眇天末吊影自荒陲

人日立春

人日無春日梅枝接柳枝蕙風隨節候花信隔年期  
稚子能斟酒衰翁強詠詩顧山利木處臺笠廢東舊

有懷張霞川丘月渚

昨日霞川去今晨月渚行烟波阻相送風雨董含情  
芳草迢迢遠飛花片片輕林鴉驚倦枕猶訝棹歌聲

懷涂明溪

時涂在臨安

汲古愜幽情草堂無雜英貞松五粒翠猗蘭九畹清  
水靜萬物鏡慮澹八紘輕薄遊勾町道懷我幾詩成

小市

顏闔欲移家東陵學種瓜東津風剪渡南浦月籠沙  
池淨憐春草江清愛晚霞維摩雖示疾猶解散天花

納溪館夕寄西巖

聯榻贊公房清言與漏長閑雞非宛洛聽雨似瀟湘  
萍泛仍三舍葭飛又一陽江南望江北吟嘯立蒼茫

贈高小峯公夏

天府牽絲日枝江製錦年  
冰壺瑩秋月金奏叶朱絃  
留珮徵遺愛生祠記古賢  
懸知百世後碑照峴山前  
雙路鋪獨夜後侶皆追不及

雨久天成漏泥行軻亦艱窮途堪涕淚行侶失追攀  
鳥雀投昏樹牛羊下暮山村醪香且艷猶足破愁顏

仙人洞易門縣

石髓刮風結明珠茵露懸如尋小有洞疑近大羅天  
月磴雲栖宿天窓日漏穿更逢勾漏令重記赤明年  
苦旱壬子之歲三月不雨至六月矣

解澤閩龍宮魚原萬剛同馮夷愁海竭阮籍立途窮  
風伯飈輪上炎官火傘中西雲終不雨莫漫窳倉穹  
午食山農家

山農異平地火種復刀耕牛角方田出龍鱗原隰生  
膏腴仰冬水豐澤候雷鳴是處堪投老何為羈遠征

天師洞

天師古洞門飈埃從此分兩嶽巖半雨萬重山一雲  
眼界上清近足音空谷聞漢代遺幢在苔侵轉宿文  
四月甲子立夏日自昆橋泛舟夕宿寂光寺  
月改朱明律天青甲子雲名山紆勝引流水惜離群

蘋末鮮飈起藤陰顯氣分上方雞犬靜鍾梵夜深聞  
劉珥江惠茶具藥奩

流戍他鄉遠勞生督力疲龜蒙茶具廢鮑照藥奩隨  
黃獨長鏡興青精短榻期投瓊珎一一報李愿遲遲  
度雪山關夕宿赤水

羊腸盤雪凸烏毳避風凹馬擬升馱羸人疑駕鹿躄  
見文選江山圍青草瘴地入紫姜苗不道九夷遠長  
吟五嶽話

層臺曉發先寄施石橋

濯足倒流水回頭相見支知津何假問叱坂幾經過  
歲序逢搖落天涯阻嘯歌蘭交欣咫尺蓬跡慰蹉跎

龍門榮隱

充國名賢胄承家雨露恩海鷗招伴侶池鳳長兒孫  
屋枕芙蓉苑帷褰薜荔垣西南少微宿緯影照文坤

其二

紫誥楓宸下黃花菊徑芳巖廊非夢卜泉石是膏肓  
文彩黃金榜丹光白玉房誰裁耆舊傳益部續琳瑯

高峽雨晴寄簡西巒

西巒最風流徜徉滇海頭花牽遙夕夢酒濯隔年愁  
舊雨思聯句新晴擬並遊翠蘿仙洞口專待泛輕舟



宋園賞花即事次少岷韻

亭陰搖竹浪簷影動花科暑氣遠林薄幽情出郭多  
金杯休促醉玉佩罷當歌莫遣紅兒怕詩翁不姓羅  
青衣江曉發留辭三池

驚起鷄鳴枕猶酣燕飲杯孤城面水閉征棹背煙開  
零雨三家市寒雲萬里臺從軍今白首曷月詠歸哉

懷韓子中

韓生吾黨秀為政亦風流吏隱青雲器仙華白雪謳  
石塘標玉樹粉署榜銀鈎好逐雙鳧去胡為淹此留

游女行

東風春色韶南浦美人嬌下蔡君休問上宮誰敢邀  
折花邪寶珥映水正金翹娉婷惜未嫁應待逐文簫  
玉堦怨効齊梁體

惆悵閒堦下佳人不在茲草生同步處花發共攀枝  
眼見紅芳歇愁窺白露滋相思坐成晚休負歲寒期

贈玉蟾僧

山是岷峨派峯如岫嶺尖仙遊還駐鶴僧號亦栖蟾  
蘿月懸天鏡松風襲暮禱有詩休芥壁徒為葛藤添  
江川海子岸次同蕭于東籍草作

滇豐多湖池江川特清曠仙行浸雲根官衢濺雪浪

子懷清冷邊吾道滄州上歸艤眇河津登蘋聊騁望

其二

信美江川路春遊伴子歸溽聲驚過馬海色照征衣  
龍伯朝經緯鮫人夜杼機并刀不須剪西蜀有孫微  
南園張公白崖喬公柴墟儲公過家君小飲  
燈下較象戲余侍命詠時年十二

兵卒衝千里將軍坐九宮追風看馬躍吉日想車攻  
士相維城固江河天塹雄咲談翻幾局月白映燈紅  
泛滇池雨憇碧雞山古廟

古廟稱天子淫名迥未除水無橫木度村但集樵居  
黠婦裝茶壘蒙童讀席書誰將摩詰筆補入輶川圖

太史升菴遺集卷之九

成都楊慎著

孫金吾宗吾輯

濟南王象乾校

丹陽湯日昭閱

金五言排律

石寶山寺與仁夫同賦

初地追清賞名山愜素聞  
峯巒合元氣樓殿截霞氛  
灌木長藤繞幽篁細路分別風  
疑石髓香梵滿岩薰  
泉溜瓊瑛響天吳紫蘚文  
興因靈運發人是謫僊群  
秦客迷青靄湯休和碧雲  
便應開淨社甘露洗塵紛

哭劉應占

往日追隨日同年最少年麟褒光史局鵠立照經筵  
草視仙郎筆花陪學士磚星階才灼藥天路忽迤邐  
塵土征輪遠江湖泛梗偏屏居俄粟里世事竟松阡  
老淚縱橫下回腸詰曲牽牙琴驚逝水秀笛感愁烟  
絮酒應無地哀歌瘴霧前

送李臺南方伯北行

金碧禺山阪清冷昆澤瀾津途一水隔會合兩鄉難  
贈綽臨窮巷抽毫問釣竿指南回權鷁直北颺旂鸞  
夙夜周三事風雲舜九官明堂要梁棟幽室想芝蘭  
別影紆春樹離聲迅曉湍行塵那可望羈思不勝擘

飛燕詠

飛燕元傾國合德更聯芳歌舞平陽第膏沐溫柔鄉  
涎涎宮中去雙雙天上翔露華百英粉沉水九迴香  
李文明襪練石花凝袖粧金紅星列影珠帳月齊光  
避風遠條館沃雪浴蘭房香湯不沾體仙飈空引裳  
吹簫慶安世持履馮無方嬌愛詎終極榮華安可常  
禍水一以浸炎光允不揚莫誦伶玄傳徒令樊女傷

送高公次長洲尹

祖帳燕臺下官曹震澤東勞歌當曉日逸興對秌風  
新水催飛鷁微霜度早鴻星躔牛斗近地脉海潮通

鄧令三年績韋郎五字工循良多暇日蹟詠繼文雄  
五月七日與張季文劉建之飲龍寶寺藤架

下

蒙龍紫藤架掩映青蓮宮香梵諸天淨佳人上日同  
傾壺藉芳草緩帶散涼風野與留難盡樵歌聽未終  
彈棋驚屢捷射覆闕偏工回首東林月纖纖吐碧空

文昌宮梅花

春色回雲嶠寒香散月林入簷休點額照水且同心  
獨立無言嗅相携索咲尋飄零鄉思遠攀折歲華侵  
百罰金樽灑雙歌玉樹沈醉來騎馬路畫角起城陰

哭雷孟升

雷名應龍

海內陳雷契天涯戎旅年雲霄餘老淚寒日下悲泉  
心許螳川諾詩來龍里篇鄰家徒恨笛剡曲竟迷川  
丹旆千日迫青羶一室懸與誰論夢覺造物本茫然

張季文往曹溪別業以詩問訊

綠水名園敞清朝霽景鮮平生懷勝處獨造亦陶然  
曉載斜川酒秋成下澗田樵林逢獵火釣渚見炊烟  
洞口三仙迹溪頭六祖禪泐寥聞露鶴蕭瑟曳風蟬  
體物耽幽素澄心契太玄且裁明月賦休和碧雲篇  
偶影渾今夕離羣似隔年病來難訪戴伏枕候歸舩

九頂寺同程羅山憲副賦

寺臨飛鳥上樓出宛虹端空翠沈雲暝流丹染雨寒  
因阿鑿環牖依石構攢桓雙樹禪栖穩五花人折難  
陰霞仍半沒晚靄試橫看欣接登高賦揮毫共猗闌

安寧溫泉詩

黟岫靈砂泚

徽州黃山有溫泉是硃砂窟所發春芳色微紅謝容詩石磴瀉紅泉蓋是類也

華清畧石湯

驪山華清池乃畧石所積李賀詩華清池中畧石湯徘徊白鳳隨君王

名雖許並仙液詎堪方火井元通脉曹溪且讓香

東坡

詩水香知是曹溪口溪本在嶺南此池傍亦有曹溪之偶也謝康樂彭蠡湖中詩水碧掇流湯朱紫陽廬山溫泉詩引用之以流泉為溫泉云○安寧寺此也

流溫涵水碧

水碧若仙藥之珍品金膏

名碧玉泉亦取水碧之說

氣鬱謝疏黃清暑南薰際回暄北陸傍

體應偕鷺潔心不假犀涼春醞熏蘭笋雲腴發茗槍

醜酒煮茶皆增常味

弄珠餘浣女繪玉贖漁郎瑤草蟠千歲有

無名樹四

瓊枝綴九房池中常溫柔真此地難老更

何鄉

張平子南都賦溫泉蕩邪而難老

送王復齋太守家艱歸揚州名臣

南國有佳人西園邀上賓仙舟還李郭文席更荀陳  
雲會真天假風謠况日新碧雞初奏曉白鹿始行春  
暮蘭徵前事依劉擬後塵廣筵紆汎愛空谷迴相親  
意氣投尊轄光華照魏隣遷枝憐倦翼涸轍慰濡鱗

缺望遙征鐸舍悽眇去輪霜凋棠樹早風撼蓼莪頻  
江漢分吳楚關山阻越秦萍蓬聚何日蒲柳感茲辰  
朋好多離索羈栖最苦辛四愁吟斷處馳夢結河津  
送馬璞岡方伯表賀北上

紫極中台座黔滇右轄星玉鷄分氣象金馬借儀刑  
公望今台鼎民謠古翰屏虞文傳彩繪歐劍發精熒  
夜火襦安作春臺戶不扃朱綬枉赫奕白屋慰飄零  
盪札東山麓犧樽北海汀因鱗涵滙澤落羽仰仙冥  
詞奏驪駒調承聞暢轂經雪消關嶺白春入瑣闈青  
溫室花千樹堯階葉幾萸液池恩肅穆秘殿語丁寧  
衮烏應殊錫鐘鏞擬刻銘巴人雖有頌郢客詎堪聽

種晚菘

西園白露滋正是晚菘時菜甲依籬茁畦丁荷鍤隨  
得名從若下移種自昆池杜老捐黃獨園公失紫芝  
羹翻欺錦帶渴解並瓊枝淡裡含腴味堪當靖節詩

送水部劉瑞亭

直宿青綾被朝天彩鷁船相逢方頃刻晤語幾留連  
人擬山陰會詩賡水部聯清銜非簿領華省是神仙  
花柳過韋曲枌榆接釜川何時紫房洞重講翠虛篇

贈周鑑塘

我病滄江卧君從錦里來同心不我棄笑口為君開  
良會感疇昔流光變條枚行過一柱觀將上栢梁臺  
牛斗妖氛盛鴻鴈中陵哀漆室徒浩歎明堂正構材  
勛華期早策睽別漫徘徊明月隔千里何由共一杯

空侯詠有序

空侯本師延為空國之侯所製也至漢武帝祠  
太乙命匠侯暉製為鞀侯損瑟之二弦加箏之  
九弦為二十三絲其音多擘其聲多靡隋世昔  
昔蓋龍舟五更轉多彈此器唐世李憑稱  
手李長吉楊巨源咸有篇引至宋大晟樂

為十四弦方舟李知幾詩撥助空侯十四弦龍  
蛇鎖定水晶簾秦樓一曲當三五惹得姮娥怨  
玉蟾可證也然此器世所罕見音亦絕傳蜀左  
史芝山李君明律知音以其譜傳於蜀且寄此  
器於予予愧衰筆非長吉巨源知幾之敵聊書  
長律十六韻以酬之

本是空侯樂今為蜀國弦新聲晉師發舊譜李馮傳  
桐斲雙凰榦絲抽八繭綿畫屏張匝羅袖捲嬋娟  
昔昔蓋中柳勞勞渚外舩過雲歌宛宛回雪舞仙仙  
按擘辭銀甲摧藏搭錦看前谿何冉弱子夜極輕儇



鳴玉崑山碎真珠合浦圓驚猿紅淚迸天鳳綠毛懸  
江樹雲中出朱子空侯有雲中辨芙蓉露下鮮悲留  
湘女竹高人梵王天佛經有空侯之語言飛月澄三  
五流霞湛十千巨源饒綺思長吉賦瑰篇燕席懷深  
翠華堂想曲旃南冠猶楚奏吟望碧雞顛

兵後復舊居王太守廷瑤置酒將軍廟

騎馬將軍若開尊太守筵不辭衝霧雨且喜靜風煙  
巧咲花當日清吟樹接天漁歌仍雪浦農事且春田  
家遠傷孤旅時危賴衆賢枰弓還擊鼓乘興盡陶然

再和空侯詠

狂夫妻號玉神女壻名弦古調應難續蛩音肯借傳  
風流從濮水雲響過堯綿解使山嵐靚能和水月娟  
鸞膠擘似鼓鷓首曲如船稚舞交三粲狂歌捻八仙  
曹剛矜有手茗子誚無肩槐穗驚蟬曳桐花小鳳儂  
摧藏還颭沓掩抑更清圓玳瑁簾常墜蛛螫網日懸  
悲吟炎蕙落樂操雪條鮮鯨飲傾樽海蚪絲幕帳天  
瓊骰停格伍瑳齒啓羅千哀曼鈕滔賦凡將司馬篇  
前溪驚麗藻曲閣起華旃彩筆曾干象遙岑寸碧顛

望青城山

天谷分界岷山帝會昌蟠根圍石野峻極劃金方

篆刻軒皇碣經留玉女房雪峰摹太素雲磴截穹蒼  
豁瀆懷文命醜渠想惠王川原枕邛夔樓觀盛隋唐  
紫府飛霞杪丹梯列宿傍崑崙曾伯仲江漢實杯觴  
遠日窮今古幽襟興激昂萋芝羞種髮揆藻愧含章

送顧箬溪少司馬十二韻

別路當朱夏奇峰望縉雲西方纔聚首南浦忽離羣  
漢代三明畧虞廷八凱勲旂常方赫奕鼎鼐正氛氲  
椽藻長離富迴章北斗殷填詞傳太白散隸逼羊欣  
數枉青絲鞵魯書白練裙廣心樓坐月寫韻閣停曛  
捐珮情翻劇懸旌思轉紛匏瓜嗟魯繫叢桂想淮薰  
敏夢猶難接楚音詎可聞江淹徒欲賦鬼黯竟何云

辰州留別王文濟

五峰蟠五溪愁望點鳶低三巴接三峽客淚聽猿啼  
夢繞浮雲北身遙落日西凍崖生白霧陰壑飲晴霓  
飛閣斜臨水危城下瞰梯舸舫尋古渡槃瓠問遺黎  
赤巘馱蹄怯青冥鳥背躋宵征隨野燒明發候城鼙  
岐路殘年倦鄉書幾字題雲天披避逅信宿惜分携  
銅柱還相引丹陵未許栖歸期無歲月春草又萋萋

漢京篇送王子推給事還秦中

王名準○辛卯歲作

八水還秦甸九嶷聯太華馮夷醜地脉仙掌擎峰霞

宮闕中黃近園方大紫賒疏寮交綺豁藻井倒紅葩  
天步蕭曹署風流許史家甘泉吐白鳳西鄂耀靈蛇  
諷諭當時薄才章後代誇何如焚諫草歸去種陵瓜

送楊景山北上禮部且有丹徒新婚

舊種仙家杏移根植建章新攀女蘿草引蔓更朱方  
蘿蟠蕊珠艷杏照色絲香霰市昔三里月弦今兩鄉  
逢爾金泥字徂春寄點蒼

九鼎寺

路繞羊腸轉雲從馬首開半崖交草樹絕壁倚樓臺  
碧澗鳴幽玉丹丘問劫灰佛緣甘苦寒僧行厭喧  
野鹿啣花過山禽薦果來獸耽塵外趣人世莫相猜

雲隈篇為主天敘賦

杖藜丹壑外采藥白雲隈有客知名姓無人覺往來  
韓康價不二方朔語多詼舊業古青葙流年問紫蘿  
十洲芝草澗三徑菊花杯願掇金鷄蕊名山到處陪

蓮池夕泛偕張禹山胡在軒唐池南

潯陽標三隱蜀都詠四賢玄跡俱遊聖雕章詎羨仙  
萍簪歛此盍葭玉更堪聯澄湖擬同泛雲會可虛捐  
蘋花方綴藻荷葉已承蓮藻席涼風下蓮歌明月前  
鴨頭須變酒鷓首莫回船南皮與北渚肯使昔人專

王子歲作追錄子此

乞賽蘭香

十步有芳草三巴冠雜英  
氤氳蘭麝氣馥郁綺羅情  
荀令衣應潤昭儀體自輕  
旃檀知減價迷迭浪聞名  
香壓薔薇露清涵沆瀣  
精名園分幾朶校贈比瑤瓊

送蕭於東還蜀

窮愁向大荒良覲得蕭郎  
相隨從解后相伴極蒼茫  
神交大人賦地望長公鄉  
好事銷憂緒清歡正樂方  
蘭亭二王字芝室小宗香  
耀歌醉月館仙梵眠禪房  
垂柳提邊雪刺桐花底霜  
聞虎淒酸驛射麋瀟灑塲  
倚樓嘯橫紫側絳圖點蒼  
紅雀曲三壘青蜓篆幾行  
胡蘆破睡悶柘枝延舞狂  
落筆効鸚鵡開縑驚鸛鷓  
燦星龍關火零雨鳳嬉墻  
悲歡共携手別離俄斷腸  
憔悴甚澤畔形神轉羸尪  
回風悵我獨浮雲仰尔翔  
命酒絕涓滴迸淚紛淋浪  
裁詩亦何盡空是愁苦縲  
明崖江上別後歸來有懷  
秉燭賦十四韵追

寄

之子神仙裔無人藻翰材  
盤空橫一鶚奔轍先羣駭  
牽絲改初服弱齡升中臺  
三泐臨海嶠四明當天台  
妖氛淨牛斗震澤收風雷  
鼉采睨柱昉夜光按劍猜

不願論簪笏俄然脫紛埃蘭舟泊容與芝宇躋徘徊  
貫月虹光燦上漢星槎開鷓鴣促危柱鸚鵡酌離盃  
宋王飛郢雪何遜對官梅知音諒難遇流光信易頽  
川上歎逝者日暮心攸哉銷魂不成賦白首徒虺隤  
江安舟中別劉參之承之

祇嘆懽娛少具如契濶多暫歸湘浦事久客露中歌  
忽見慙先失相思鬢欲皤風歆華燭影雨浥酒船波  
夢對三更榻情懸萬里戈飄零垂老意吟罷興如何

送前渠李公之任山東憲臬詩序

歸德前渠李公奉簡命參藩政於蜀實分守

上川南道輿人之頌曰公之為政也嚴而不苛  
明而不察故不令而入自化不肅而政自成方  
倚之為金維之保障參隅之福星茲又遷秩山  
東憲臺東欣而西怨齊歌嘏而蜀舛望矣慎解  
之曰聖代之用人必中外剔歷君子之濟世  
斯遠邇無分矧西川宋世宰相徊翔之地山東  
又兩漢出相之方福星躔彩豈參隅可專維城  
之寄奚金維攸獨邪願走也辱在邑子闖升雅  
堂舛望軫懷宜莫先馬者乃為五言詩十四韻  
以附于登山望塵之末

有美天球列居然曾席珍弱齡標穎拔瑩質謝溜磷  
桂窟芳蕤發楓宸蕊榜新離騷江楚裔大雅盛唐賓  
威鳳苞先翥靈珠採已頻乘槎來漢沔叱馭遍峩岷  
柏聳行臺茂服絕微春沱潛河潤遠參井福星真  
愛眾恩非汎憐余契特親洪流沾灑渺高共仰嶙峋  
睽別當先署瞻依遠德鄰遷鶯喬木谷過鷄宋都津  
馗陸清風御關山朗月輪緬懷蓬荻徃無惜枉烹鱗

重別珥江

百潭分花嶼雙流合玉輪昨是歡遊地今成愴別津  
慷慨謝逆旅飄零辭密親噫噫江雁背泛泛海鷗憐  
占星乖朗夕披霧阻光辰悵脰東門遠軫懷南浦新  
步尋迷道踟眺望隔城闌惟應一片月長隨千里人

章後齊壽詩

我卜江陽隱君為汝社英道因知己重分叶友於情  
聯有城南句詩傳鄴下名煙雲工點染丘壑共題評  
初度逢茲際歡言會此并醉花浮臘蟻遷木聽鳴鶯  
渴為瓊枝解風從玉樹生梓材須大用行見佐昇平

松火香

寒爐燒榾柮夜榻共盤桓灰疑白獅象光燦紅龍鬻  
流珠結香瀟飛煙成墨九融肌銷瘵痒接膝話團欒

烹茶聊減睡煨芋亦加餐桂薪炊玉粒河必羨長安

刊木行

禹貢標刊木周官構梓材明堂新羨與營室久昭回  
星使臨三蜀冬卿下九垓杏耕南畝輟株送北山來  
翠險天橋架丹危石壁開赭林搜杞櫝綠野伐條枚  
霧猿獠遁腥風虎豹哀舟師凝水次木客滯雲隈  
休上由余辨莫詆斯千行戢頌不數栢梁臺

太史升菴遺集卷之十

成都楊

慎著

孫金吾宗吾輯

濟南王象乾校

丹陽湯日昭閱

七言律詩

法門寺

舊作記錄於此

金輪皇帝重金仙銀色樓臺銀漢邊瀚海慈航誰逆  
浪崑岡劫火自飛煙空王猶說無生偈才子虛傳應  
制篇徒倚碧雲生日暮徘徊寶月已中天

折楊柳

垂楊垂柳管芳年飛絮飛花媚遠天金繭抱春寒食

後玉娥翻雪暖風前別離江上還河上拋擲橋邊與  
踏邊遊子竟銷青塞月美人腸斷翠樓煙

今例多謬稱予此篇始析體物

楊柳有花有絮詩古

南溪石都閩令筆工陸鑑來致筠頴百枝

青瑣抽毫記紫廬綠沉榻管陣圖餘老來無復生花  
夢病起惟抄種樹書天上將軍憐刻鵠山中學士文  
焚魚睛函為爾縈春蚓自笑雕蟲習未除

即事

西風昨夜薊門過烽火遙連雁尾河中使漠南傳漢  
令將軍為上奏燕歌寶刀金甲防秋近白草黃雲入

塞多聞道七旬資廟畧會看一雨洗天戈

寄楊順卿 大理人名達之

雙鶴橋邊一遇君十年文會感離群梅花隴驛衝寒  
雪桂樹淮山隔暮雲錦擘吟牋仍杜曲金聲教鐸更  
河汾佳期好在嚶鳴候涪水春波漾縠文

贈王桂樓

邂逅春風在永昌霽虹橋上幾煙霜論心巴國還今  
雨回首并州似故鄉清話頓醒羈旅夢高情寧為薄  
書芳南薰重晤西湖曲更對群賢一舉傷

玉蟾寺次年文少岷曾公韻



為愛名藍特特來新詩似對惠休裁風傳靈籟笙簧  
雜日射慈雲錦繡堆歷劫尚存無量閣品題合作妙  
高臺玉蟾養晷元宵後只對然燈誦偈回

春日簡州卧疾喜諸友相顧

抱疾愁看伏枕眠藥爐塵榻擁群賢論心相憶馳千  
里會面俄驚又一年菜榜雄飛期宋代仙洲遺憂說  
彭錢浣花溪上瓊枝接濯錦江邊錦字傳

將之江陽過新繁樊九岡王七峰袁否泉王

漆西相送至龍藏寺

行行欲別更夷猶寺寺經過院院留雲木雙林支遁

室風花千里謝公樓園方高舉慙黃鵠洲渚間眠羨  
白鷗珍重故人相慰藉百壺清酒足銷憂

戊午冬過水峽觀瀑布懷景川侯曹公遺跡

萬壑交流競秀中匡廬瀑布敢爭雄雲霄仰見凌飛  
鳥傾洞遙思抑下鴻龍鑿離堆傳蜀誓鼉駟橋石小  
秦功百年廟貌猶生氣一體旂常祭祀同

抑下鴻見荀子成相

篇

歲除

寅春又入椒花頌午夜須開栢子觴澤國風雲多態  
度海天星斗更光芒架懸鳳閣新頒曆

介谿相公寄七政曆衣

有鸞坡舊賜香醉看成行兒女大益驚戎旅歲年長

秦始皇陵

丁卯歲作

埽旦金星白晝懸似傷鶉首剪秦川俄傳江璧神徂  
日誰見鈞天帝醉年借問茅焦歷井幹何如徐福泛  
樓船烏騅三月咸陽火還是書坑竹帛煙

別呂芊州

時改官北上

黃洛山川感白頭清揚睽隔又三秋明堂忍棄千章  
禾枉渚聊回一葉舟龍蠖屈伸應物理鶴鳧長短任  
天遊濯纓不共臨河別宵夢隨君到鄂州

夏夕與門生馮東沙閔一溪閑話因贈

堯典秦延三萬字道經李耳五千言英華莫遣枝傷  
幹牽纏寧知簡御煩理順俄然冰已釋默成自厭語  
交喧淵明老去那求解靄靄停雲卧北軒

寶山春眺

詠江陽八景送客還滇南

金維勝境寶峰端萬象分明對倚闌魯直江山寫平  
遠江山平遠四字出谷所書丹淵晚靄盡橫看文與可寓此地畫晚靄橫看圖山谷  
之跋西原遲日低秦樹南浦光風汎楚蘭獨立蒼茫吟  
思苦孤臣白首望長安

龍潭時雨

森森銀燭點橫塘蟬隰鱗原接森茫海若望洋連貝

屋簷人構館近龜梁天天碕岸桃花色采采汀洲杜  
若香坐見登臺輝玉燭行占開戶送金穰

海觀秋瀾 末句送客

岩堯仙觀枕丹丘滙澤秋濤似海浮水漲金沙驚落  
鴈浪翻銀屋浴潛蚪漁舫曉泛楓香浦神筏宵乘竹  
箭流 巴江客商販竹木筏曉夜而行至曉則止謂之神筏後夜懷君同賞處昆  
池回首望牽牛

方山霽雪

方山九十九奇峰羅列同雲第幾重滴瀝寒聲鳴翠  
竹暉暘朝旭影蒼松瓊巒巒暇日捫蘿上金竈多年駮  
蘚封乘興不須回剡棹藜燈林酒儘從容

白塔朝霞

江城中有梵王宮率堵何年上碧空鐵鳳影連銀界  
外金鴨光閃玉毫中爨華散綺先迎日爽籟懸鈴獨  
喚風燕坐浮生閑半日暝鐘還帶雨餘紅

東岩夜月

月上東岩祇樹林江光滉漾翠微岑仙宮湧出青銅  
鏡禪觀鎔成紫磨金香梵恒依蓮漏演清吟直待蓮  
鐘沉吹簫有客停舟望去國懷鄉萬里心

荔林書錦

水精丸映絳紗囊名字曾聞十八娘錦作林時傳賦  
詠繡成堆處獻君王玉壺美酒開華宴團扇薰風坐  
午涼纖手吳姬含笑擲金盤何用薦檳榔  
餘其晚渡

過雨人家正夕曛江沱燕尾兩支分三回轉折成巴  
字萬壘縈紆類轂紋滾滾江槎分玉浪層層雲樹接  
霞芬子西山谷留佳句唱作漁歌遠近聞

六月立秋日曾岷翁邀金井玉池兩庄觀蓮  
白水方塘菡萏花玉池金井屬仙家馮夷瓔珞明珠  
露蹙漢女衣裾爛錦霞酒瀉青荷露已醉棊敲細竹靜

無譁山川信美仍吾土暇日登臨不厭賒

送楊苧漢歸大理

玄閣先生巖壑姿西歸不待北山移池魚塞馬誰能  
定飄瓦虛舟自不知鳳羽盍簪多舊侶鸞頭飛屐待  
新詩仙鄉我亦多年住一一勞君訊所思

元戎平山李公舟過江林走卧病未晤茲因  
吳菴表弟往永寧為壽遂次韻寄意云

渝水波通蘭水濤元戎小隊上江林  
綠藻裊淹秋朔未得簷花語夜深蕭寺碧紗籠麗句  
葛鑪丹液駐顏陰因風為寄南飛鶴明月中天千里心

李君階過皋橋新居言將北上禮部

沙村草閣對漁舟坐俯昆池萬里流  
蕭索暮途猶浪跡登臨暇日豈銷憂  
阮公失路誰青眼江令還家尚黑頭  
行見羣英滿青瑣肯忘一老在滄洲

雨中再疊前韻呈劉東阜

白首投荒瘴海陰猶耽傳癖與書淫  
九慙竟夕憑誰遣百籟迎爍坐自吟  
異代風流追宋玉同聲雅調叶繁欽  
還思藜杖臨舟壑最厭苔錢卧綠沉

張愈光三宵頻夢余作三宵篇寄此用訓

相思十載悵分飛頻夢三宵願不違  
李杜文章光焰在孟韓交誼古今稀  
青陽歲月催玄髮黃落山川隔翠微  
半谷高嶢遙脉脉停雲舊雨各依依

挽郭千兵文質

將軍意氣薄雲霄早脫青驪白玉鑣  
曲水恒陪王內史期門不揖霍嫖姚  
雅歌亭下旄頭靖寫韻樓中墨客招  
怊悵舊遊成宿草平原迢遠樹瀟瀟

元夕前二日張子言徐希舜載酒移燈相過

憶李文瑞

廣坐春風生玉樹巖城清漏促銅壺  
懽遊頓使鄉愁破令節能忘旅興孤  
禁火不逢廉叔度醉歸還憶李

金吾猶勝明月蕭關夜荒戍寒笳起塞廬

軍次書感

憑高一望倍淒然日暮烏啼生野煙  
天地側身孤旅外江湖短髮亂兵前  
屈平憔悴漁翁問韓信栖遲漂  
母憐何事窮愁無伴侶東風獨坐感流年

病中喜張子言頻過

祇言客裏交游冷最喜君能數  
度過澤畔風煙愁屈子  
龕中歲月病維摩衰顏可待尋  
芝桂華髮惟思返薜蘿  
晝夢醒然宵夢少此懷無柰此時何

荅范師舜

遠戍相望興渺然獨愁重得故人憐  
草茅肯顧楊花宅江海兼懷范蠡船  
未試丹砂勾漏術還賡白雪浣溪篇  
天涯物色撩人醉爛熳寒梅破隴煙

來節道中抱病行

四月二十六日

曉行渾不見山尖祇為頭風下  
毳幘却喜四郊停戍鼓不妨雙堠報郵籤  
經過處處人情好來往年年老態添撥悶詩成真漫興極知才盡似江淹

七月十八日夜宿楊氏水木清華堂劉珥江

風和聯榻

曲曲闌干瑟瑟流炎炎剗退已颼颼  
瞿曇話水三生

夜宋玉情深九辨秋別後幾時橫月枕不眠終曉聽  
風飀却嫌高樹晨鴉起猶戀清言與勝游

雨中遲珥江用前韻

鳴蛙吹歇坳堂流梧桐自語寒颼颼蝸廬似住水精  
域雉澤恍對山梁秋夢裏轉春鶯一曲睡起密雲龍  
半甌西齋淨掃白石榻遲子聯床成卧遊

書耒菴弟詩卷後

玄閣聊為蟲篆戲黃庭何用鳳羅盟懸知顧氏千巖  
裏又見王家一集成濯錦露花洲客採沉珠泉月海  
童驚老來才盡慙康樂別後幾番池草生

次李前渠見贈韻

四時齊魯獨宗毛仙李蟠根棣萼高梓里晝遊弭錦  
節栢臺春色映緋袍才兼半豹先華國功解全牛已  
善刀珍重頻繁問幽側荒涼衡泌慰蕭騷

送張明崖中丞二首

鷁首歸艍燕尾洲別情離思兩悠悠宜城竹葉邀同  
醉漢節梅花肯暫留莫擬乘桴向東海還須擊楫誓  
中流栖遲尚有夷吾在惆悵休為杞國憂

其二

遠持玉節下朱方共醉金樽向紫房尋壑經丘憐窈

宛倚樓看鏡感行藏  
冒黎詩興紅雲島  
晉國歸心綠野堂  
更訂峨眉來歲約  
青山明月豈它鄉

喜丘鴻夫遠訪

瘴厲關山辛苦行  
念予迢遞訪柴荆  
聞弦且為言游莞  
擊磬休教荷蕢驚  
竹葉宜城良夜醉  
梅花隴驛歲寒情  
天涯此會誠難得  
萬里雲霄待一鳴

寒夜與丘鴻夫話舊

司馬曾為萬里遊  
碧鷄金馬幾春秋  
放歌不學湘潭怨  
探勝何殊禹穴幽  
江上舟航侔李郭  
月中詞賦擬應劉  
中宵訪舊多零落  
並起山陽笛裏愁

弘山楊從龍純菴王

民望在軒胡原學碧泉張季文心泉梁應橋西楊伯亨菊亭李文瑞魯泉董宗衮皆滇中名賢年來凋謝相繼

陪孫世其登羅漢寺梁王閣故基

孫名繼芳

乘輿同遊暇日中  
憑高一望俯煙虹  
樓船漢帝昆明水  
閣道梁王避暑宮  
鳥鵲影將銀漢接  
玄猿聲與赤通  
山川信羨非吾土  
千里傷心海樹紅

滇雲

南雪凌晨煙霧開  
客愁相對轉悠哉  
誰家彩筆吟芳絮  
何處金鞍歌落梅  
羅漢林中七寶樹  
梁王閣上五花臺  
欲尋戴子乘舟去  
不見麻姑送酒來



倉麓山居酬邵王兩憲副見過

邵名天和王名鎔

春山無伴空復憐有客駕鴻凌紫煙天入孤雲舊雨  
淨暮倚高樓新月懸海曲逍遙鷗鳥下林席淹留麋  
鹿前二笑過溪興不淺十里松風鳴野絃

王仁伯見過次韻

幽谷遠林鳴鳥聞有來問奇相對醺停騶永日海披  
霧躋竦崇朝山閣雲江漢風流數之子文章老成誰  
與群王郎且停劍劉地杜甫渾忘鏡策勲

王舜卿書來報張習之逝再讀黃才伯輓章

老淚迸下繼作一首

張綱輪旆回江上王燦書來報峽中故友空梁悲落  
月寡妻何處哭秋風藏舟忽訝生年滿覆局翻驚世  
事空青簡數行真夢幻雲霄一雨轉冥濛

次周工部韻送張月塢

魏闕青雲冠莫彈空同白日劍猶看巴山不寐防豺  
虎楚澤高飛翳鳳鸞歡聚星臨南極動愁心月過北  
庭寒自憐離緒傷遲暮誰遣哀箏對酒闌

九月地震二旬不止

坤軸西南殺氣繁義和應畏日車翻千家山郭何時  
靜四屋隣墻昨夜喧山倚六鼇愁戴抃霄連叢鴈羨

飛騫河清甘露盈嘉頌平地成天仰至尊

宿海棠堡贈呂希望守備

寧越孤城紫翠齊將軍作鎮繼征西千峯暮雪寒刀  
斗萬竈春煙暖鼓鼙漢代碧砮通貢賦宋家玉斧盡  
封提題詩出號當嚴夜雲火遙明太白低

送柴松洲操江都憲

萬里長江羽扇分珠鈴玉帳水犀軍樓船宵濟三更  
月露布朝馳五朵雲南仲重添周雅頌左賢生獲漢  
功勲安危正切明庭望旌節那容滯里門

春夕聞雨起坐至曉寄熊南沙

半夜風聲似水聲五更春雨徧春城被提芳草茸茸  
暗鏡渚天花灼灼明墻過村醪仍凍蟻窻臨海樹已  
暄鶯天涯節物催華髮同是懷鄉去國情

平山橋離夕贈任直夫

平山橋畔水泆泆堤楊風裊陌草薰綠蟻行觴九闌  
醞青驪出餞五花文遙夢直掛嶺南月離歌不歎江  
東雲誰言千里非絕國已覺黯然銷別鬼

次韻奉訓中丞東阜劉公侍御狷齊謝公除

夕聯句見懷

歲夕遙憐客憶家月臺聯錦燦缸花戍樓曉角傳清

燕歸棹寒江夢斬鴉彩燕西飛邊候改碧鷄東望蜀  
雲賒不知卧病衡天柱何似窮愁瘴海涯

龍華寺離席贈童苧山太守

阿幢橋畔龍華寺仙牧邀余到上頭禪榻茶煙非舊  
雨離亭華宴是中秋老年道路猶萍梗征戍關山尚  
阻脩草木變衰人去住浮雲落日兩悠悠

